



册府元龜

卷之三百三十三

至三十六



13
849
79



門 4 3  
849  
79



册府元龜

淮南李嗣京參閱

西極文翔鳳訂正

豫章黃國琦較釋

借偽部

二十五

好土功

悔過

矜大

失策

好土功

一馬化龍五湖猾夏姦雄竝驚逆節相媵變巢穴為  
城池易穹廬為宮室務極奢僭弗率典常通晝夜以  
責功雜寶玉以加飾鼓鍾未息荆棘旋生凶恣之蹤

册府元龜

借偽部

卷之三十三

蓋可醜也

前涼張茂築靈均臺周輪八十餘堵基高九仞武陵人鬪魯夜叩門呼曰武公遣我來曰何故勞百姓而築臺乎姑臧令辛巖以魯妖妄請殺之茂曰吾信勞人魯稱先君之令何爲妖乎

張駿西域鄯善王元孟獻女號曰美人駿立賓遐觀以處之

前趙劉曜命起鄴明觀立西宮建凌霄樓於瀉池於霸陵西南營壽陵侍中高豫和苞上疏曰臣聞人主之興作也必仰準乾象俯順人時是以衛文承亂亡

之後宗廟流漂無所而猶上候營室以構楚宮彼其急也猶尚若茲故能興康叔武公之迹以延九百之慶今奉詔書將營鄴明觀而道芻蕘咸以非之曰一觀之費足以平涼州矣又奉勅旨復欲擬阿房而建西宮模瓊樓而起凌霄以此功費亦可以吞吳蜀翦齊魏矣曜大悅

後趙石勒將營鄴宮廷尉續咸上書切諫勒大怒曰不斬此老臣朕宮不得成也勅御史收之中書令徐光進曰陛下天資聰睿超邁唐虞而更不欲聞忠臣之言豈憂癸商辛之君邪其言可用用之不可用故

當容之柰何一旦以直言而斬列卿乎勒嘆曰爲人君不得自專如是豈不識此言之忠乎向戲之耳人家有百匹資尚欲市別宅况有天下之富萬乘之尊乎終當繕之耳且勅停作成吾直臣之氣也時大雨霖中山西北暴水流漂巨木百餘萬根集于堂陽勒大悅謂公卿知不此非爲災也天意欲吾營鄴都耳於是令少府任汪都水使者張漸等監營鄴宮勒親將規矩

石季龍於襄國起大武殿於鄴造東西宮大武殿基高二丈八尺以文石絳之下穹伏室置衛士五百人於其中東西七十步南北六十五步皆漆瓦金鍮銀盃金柱珠簾玉壁窮極伎巧又起靈風臺九殿於顯陽殿後選士庶之女以克之後庭服綺縠玩珍奇者萬餘人內置女官十有八等教官人星占及馬步射置女史太史於靈臺仰觀災祥以考外太史之虛實又觀雀臺崩殺典匠少府任汪復使脩之倍於嘗度又盛興宮室於鄴起臺觀四十餘所營長安雒陽二宮作者四十餘萬人又發雍雒秦并州十六萬人及安未央宮時沙門吳進言于季龍曰胡運將衰晉當復興宜苦役人以厭其氣季龍於是使尚書張群發

近部男女十六萬車十萬乘運土築華林苑及長牆  
于鄴北廣長十里趙攬申鍾石璞等上疏陳天文錯  
亂蒼生凋弊及固引文面諫辭旨甚切季龍大怒曰  
牆朝成夕沒無恨矣乃促張群以燭夜作三觀四門  
三門通漳水皆爲鐵扉暴風大雨死者數萬人又鑿  
城北引水于華林園城壞壓死者百餘人又鑿  
南燕慕容廆大築龍騰苑廣袤十餘里役徒二萬人  
起景雲山于苑內基廣五百步峯高十七丈又起逍  
遙宮甘露殿連房數百觀閣相交鑿天河渠引水入  
宮又爲其昭儀符氏鑿曲光海清涼池季夏盛暑士

卒不得休息暍死者大半又起承光殿負土北門土  
與穀同價

後涼李暠於南門外臨水起堂名曰靖恭之堂以議  
朝政又起嘉納堂於後園

悔過令世職未失却當與尚書素不宜  
書重改過勿吝語稱過而能改不遠之復聖哲攸許  
乃有據有方隅竊居位號鐔柄在手慘舒所繫故窮  
極武力放肆淫志詔令一出國命是司則有忠臣奮  
發嘉謨啓沃雖雄擊之勢必濡然廻慮盈於感歎革  
其非心至乎錫幣加號以旌厥功茲所以用區區之

冊府元龜 卷之三十三  
國能守其社稷者矣

前涼張茂爲涼州牧歲餘築靈鈞臺周輪八十餘堵  
基高九仞武陵人閻曾夜叩門呼曰武公遣我來曰  
何故勞百姓而築臺乎姑臧令辛巖以曾妖妄請殺  
之茂曰吾信勞人曾稱先君之令何謂妖乎大府主  
簿馬紉諫曰今世難未夷唯當弘尚道素不宜勞役  
崇飾臺榭且比年已來轉覺衆務日奢於往每所經  
營輕違雅度實非士女所望於明公茂曰吾過也命  
止作役

張駿性卓越不羈而淫縱過度嘗夜微行於邑里國  
中化之及嗣位爲涼州牧欲嚴刑峻制參軍黃斌進  
諫駿於是厲操改節勤修庶政總御文武咸得其用  
前趙劉聰爲皇后劉氏起鸚儀殿於後庭廷尉陳元  
達諫聰大怒將出斬之時在逍遙園李中堂元達先  
鎖腰而入及至卽以鎖繞樹左右曳之不能動聰怒  
甚劉氏時在後堂聞之密遣中嘗侍私勅左右停刑  
於是手疏切諫聰乃解引元達而謝之易逍遙園爲  
納賢園孝中堂爲愧賢堂

後趙石勒時從事中郎將劉興坐營建德殿井木斜  
縮斬于殿勒悔之贈太嘗勒將狩於近郊王簿陳琅

諫曰劉馬刺客離布如林變起倉卒帝王亦一夫之敵耳孫策之禍可不慮乎且枯木朽株盡能爲害馳騁之弊今古戒之勒勃然曰吾幹力自可足能裁量但知卿文書事不湏白此輩也是日遂馮馬觸木而死勒亦幾殆乃曰不用忠臣吾之過也乃賜琅朝服錦絹爵關內侯於是朝臣謁見忠言競進矣勒命叅軍黽讚成正陽門俄而門壞勒大怒斬讚旣怒刑倉卒尋亦悔之賜以棺服贈大鴻臚

冉閔率步騎十萬攻石祇于襄國署其子大原王喬爲大單于驃騎大將軍以降胡一千配爲麾下光祿大夫喬諛啓諫甚切閔覽之大怒誅諛及其子孫後閔悔之贈諛大司徒

前燕慕容皝以牧牛給貧家田于苑中公收其八二分入私有牛而無地者亦田苑中公收其七三分入私記室叅軍封紹切諫以聖王之宰國也薄賦而藏於百姓分之以三等之田十一而稅之自永嘉喪亂百姓流亡中原蕭條千里無煙且魏晉雖道消之世猶削百姓不至於七八持官牛田者官得六分百姓四分私牛而官田者與官牛分百姓安之臣猶曰非明王之道而况增乎又諫曰王憲劉明忠臣也願宥

忤鱗之愆收其藥石之效旣乃令曰覽封記室之諫孤實懼焉死圍悉可罷之以給百姓

前秦苻堅銳意荆楊將謀入寇其左僕射權翼征南大將軍苻融沙門道安其融太子宏少子說等諫皆不納堅爲晉師所敗又爲流矢所中單騎遁還淮北饑甚人有進壺飧豚髀者堅食之大悅曰昔公孫豆粥何以加也命賜帛十疋絲十斤辭曰臣聞白龍厭天池之樂而見困豫且陛下目所覩也今蒙塵之難豈自天乎且妄施不爲惠妄受不爲忠陛下臣之父也安有子養而求報哉弗領而進堅大慙顧其夫人

張氏曰朕若用朝臣之言豈見今日之事邪當何面日復臨天下乎潛然流涕而去自淮南次於長安東之行宮哭苻融而後人告罪於其大廟厲兵課農存恤孤老諸士卒不返者皆復其家終世贈融大司馬蓋曰哀公及姚萇主盟遣尹緯說堅求禪代之事堅問緯曰卿於朕何官緯曰尚書令史堅歎曰卿宰相才也王景略之儔而朕不知卿亡也不亦宜乎後秦姚興以赫連勃勃爲安遠將軍以部衆三萬配之弟邕固諫以爲不可後勃勃僭稱天王侵略嶺北諸城門不晝啓興嘆曰吾不用黃兒之言以至於此



黃兒姚邕小字也

南涼秃髮利鹿孤時乞伏乾歸爲姚興所敗率騎數百來奔處之晉興待以上賓之禮鎮北將軍俱延言於利鹿孤曰乾歸本我之屬國妄自尊立理窮歸命非有款誠若奔東秦必引歸西侵非我利也宜徙於乙弗之間防其越逸之路利鹿孤曰吾力弘信義以收天下之心乾歸投誠而徙之四海將謂我不可以誠信託也俄而乾歸果奔於姚興利鹿孤謂延曰不用卿言乾歸果叛卿爲吾行也延追乾歸至河不及而還

秃髮僞檀利鹿孤弟也旣襲僞位將率衆攻北涼沮渠蒙遜太史令景保諫以天文不順難以伐人僞檀不聽果大敗景保爲蒙遜所擒讓之曰卿明於天文爲彼國所任違天犯順智安存乎保曰臣匪爲無智但言而不從蒙遜乃免之至姑臧僞檀謝之曰卿孤之著龜也不能從之深罪封保安亭侯

僞檀

君臣之序邦家之大倫也逆順之理存亡之要道也夫以王政不綱姦臣擅命挾桀黠之小智幸傾圯之大災謂神器可以力移以天命在乎已有去順效逆

以臣代君借使懼而思危民猶弗與矧乃矜然自滿  
亡於何遜以神禹之茂功而納誨於矜伐以宣斥之  
上聖而見戒於驕奢况茲醜德自蹈禍機有一於斯  
不敗奚待

前凉張駿爲凉州牧得玉璽於河其文曰執萬國建  
無極時駿盡有隴西之地士馬強盛雖稱臣於晉而  
不行中興正朔舞六佾建豹尾所置官僚府寺擬於  
王者而微異其名又分州西界三郡置沙州東界六  
郡置河州王府官僚莫不稱臣又與姑臧城南築城  
起謙光殿畫以五色飾以金玉窮盡珍巧殿之四面

各起一殿東曰宜陽青殿以春三月居之章服器物  
皆依方色南曰朱陽赤殿夏三月居之西曰政刑白  
殿秋三月居之北曰玄武黑殿冬三月居之其傍皆  
有直省内官寺署一同方色及末年任所遊處不復  
於四時而居

後趙石勒借卽帝位因饗高句麗宇文屋孤使酒酣  
謂中書令徐光曰朕方自古開基何等主也對曰陛  
下神武籌略邁於高皇雄藝卓犖超絕魏祖自三王  
以來無可比也其軒轅之亞乎勒笑曰人豈不自知  
卿言亦以大過朕若逢高皇當北面而事之與韓彭

競鞭而爭光耳脫遇光武當並驅於中原未知鹿死誰手大丈夫行事當磊磊落落如日月皎然不能如曹孟德司馬仲達父子欺他孤兒寡婦狐媚以取天下也朕當在二劉之間耳軒轅豈所擬乎其群臣皆頓首稱萬歲

前秦苻堅僭卽天王位引群臣會議伐晉左衛章石越進言不可堅曰昔夫差威凌上國而爲勾踐所滅仲謀澤洽全吳孫皓因三代之業龍驤一世君臣而縛雖有長江其能固乎以吾之衆旅投鞭於江足斷其流

後秦姚興僭卽天王位時潁川太守姚平都自許昌來朝言於興曰劉裕敢懷姦計屯聚芍陂有擾邊之志宜遣燒之以散其衆興曰裕之輕弱安敢窺吾疆場苟有姦心其在子孫乎召其尚書楊佛嵩謂之曰朕兒不自知乃有非分之意待至孟冬當遣卿率精騎三萬焚其積聚嵩曰陛下若任臣以此役者當從肥口濟淮直趣壽春舉大衆以屯城縱輕騎以掠野使淮南蕭條兵粟俱了足令吳兒俯仰回惶神爽飛越興大悅

後蜀李壽僭卽帝位其將李宏自晉奔於石季龍壽

致書請之題曰趙王石君季龍不悅付外議之多有  
異同中書監王波議曰本李宏以死自誓若得反魂  
蜀漢當鳩率宗族混同王化若遣而果也則不煩一  
旅之師而坐定梁益就有進退豈有逃命一夫壽既  
號竝日月跨借一方今若制詔或敢讎反則取誚戎  
裔宜書答之并贈以楛矢使壽知我遐荒必臻也於  
是遣宏備物以讐之宏既至蜀漢壽欲誇其境內下  
令云羯使來庭獻其楛矢季龍聞之怒甚黜王波以  
白衣守中書監

北涼沮渠蒙遜僭稱河西王下書曰古先誓以應期  
撥亂者莫不經略八表然後光闡淳風孤雖智非靖  
難職在濟時而狡虜僭擅鴟峙舊京毒加夷夏東死  
之戮酷甚長平邊城之禍害深獫狁每念蒼生之無  
辜是以不遑啓處身疲甲冑體倦風塵雖傾其巢穴  
僭擅猶未授首僭擅弟文支追項伯歸漢之義據彼  
重藩請爲臣妾自西平已南連城繼順惟僭擅窮獸  
守死樂都四支旣落命豈久全五緯之會已應清一  
之期無餘方散馬金山黎元永逸可露布遠近咸使  
聞知

夏赫連勃勃僭稱天子大單于時姚興鎮北叅軍王

買得來奔勃勃謂買得曰朕大禹之後世居幽朔祖宗重暉嘗與漢魏爲敵國中世不競受制於人逮朕不肖不能紹隆先構外厚遷簡較大尉兼侍中封大彭郡王梁祖郊禋祀畢加簡較大師兼中書令又命兼領安南都護克清海淨海兩軍節度使進封南海

王

蜀王建陳州項城人唐末隸名於忠武軍秦宗權據秦州懸重賞以募之建始自行間得補軍候廣明中黃巢陷長安僖宗幸蜀時梁祖爲巢將領舉攻襄都宗權遣小較鹿晏弘從監軍楊復光率師攻之建亦

預行是歲復光入援京師明年破賊收京城初復光以忠武軍八千人立爲八都晏弘與建各一都較也復光死晏弘率八都迎扈行在至山南乃攻剽金商諸郡縣得兵數萬進逼興元節度使牛勣奔城而去晏弘因自爲留後以建等爲屬郡刺史不令之任俄而晏弘正授節旄恐部下謀已多行恐雷繇是部衆離心建與別將韓建友善晏弘益猜二建僞待之厚引入臥內二建懼夜登城慰守裨者因月下共謀所向謂韓建曰僕射其言厚意疑我也禍難無日矣早宜擇利而行韓曰善因率三千人夜遁而去

閩王昶天福四年十月庚戌昶威武軍節度使王繼恭使僚佐鄭元弼來朝貢其方物致書於執政曰閩國一從興建久歷年華見北辰之星位頻移致東海之風帆多阻願言遐想文不逮誠餘遣邸吏林思列狀申述壬子詔曰朕仰承天命肇啓帝圖黃屋非尊蒼生在念盱食宵衣而脩庶政推恩示信以御萬方要荒未綏責躬勤止誕慕文德不憊夙心乃睠甌閩素惟藩翰王昶昨修傾向來効貢輸朕亦釋以前非待之厚禮越群方之嘗例崇列國之真風爰及繼恭並昇方伯不謂恃其險阻肆彼僭差矯誣上天狎侮

君之左散騎嘗侍虛損等泛舟陽海持節遐販王昶自大自尊不迎不見寢停詔命脅辱使臣遣鄭弼再詣闕庭使林思列陳狀訢隳君臣之事體希書札以往來悖禮慢言長無畏忌朕顧惟寡昧虔賀景靈所慮德之不修豈患人之未服然以失道憊義引惡紊嘗人祇之心憤怒俱至是用懲其跋扈何湏振以威刑鄭元弼等處此亂邦罹茲虐政諒非獲已良可哀矜宜令所司切加安撫所齎文字及諸貢物不在通進并諸州綱運等勒林思列鄭元弼管押速歸兵部員外郎李知損等奏曰王昶僭踰名器慢瀆朝廷雖天

罰之未行在國章而當正所頒詔命過示寬息且匹夫犯法之贓尚猶徵納而遐裔不臣之物豈可放還伏請禁錮來人籍沒綱運帝可其奏林恩等即時下獄

前蜀王衍襲父建偽位後唐莊宗同光二年七月遣戶部侍郎歐陽彬朝貢稱大蜀皇帝上書大唐皇帝書詞旨驕怠三年八月戊辰客省使李嚴使蜀迴初帝令嚴市蜀中珍玩蜀法嚴峻不許奇貨東出其許市者謂之人草物嚴不獲珍貨歸而奏之帝大怒口物歸中夏者命之曰人草王衍寧免為人草之人耶

繇是伐蜀之意銳矣

後蜀孟知祥後唐末帝清泰元年鳳翔進知祥來書稱蜀皇帝獻書於大唐皇帝且言見迫群情以今年四月十二日即帝位帝不答

漢劉陟僭稱於廣州改名襲又改名龔

龔讀為儼古文無此字蓋

妄撰也每對北人自言家本咸秦恥為蠻夷之主又呼

中國帝王為洛州刺史其妄自尊大皆此類也

失策

昔西晉之末群胡亂華分裂上字竊僭名號然而習獷悍之性當百六之會恃彼強暴大為虐害懷太史

之切諫遽寘于刑感術士之狂言以至於敗棄人貴  
畜失河湟之輿壤背信殺降致巴氏之盡叛遂使士  
女塗於原野耕桑鞠爲榛莽國祚短促覆於旋踵良  
有繇哉

前趙劉曜僭位其長水校尉尹車謀反潛結巴酋徐  
庫彭曜乃誅車囚庫彭等五千餘人于阿房將殺之  
光祿大夫游子遠固諫曜不從子遠叩頭流血曜大  
怒幽子遠而盡殺庫彭尸諸街巷之中十日乃投之  
於水於是巴氏盡叛推巴氏歸善王句渠爲主四氏  
羗氏巴羯應之者三十餘萬關中大亂

後趙石勒僭位旣得三臺乃以石季龍爲魏郡太守  
鎮鄴三臺季龍篡奪之萌兆於此矣石季龍僭立將  
伐燕天竺佛圖澄進曰燕福德之國未可加兵季龍  
作色曰以此攻城何城不尅以此衆戰誰能禦之區  
區小豎何所逃也太史令趙攬固諫曰燕地歲星所  
守行師無功必受其禍季龍怒鞭之黜爲肥如長進  
師攻棘城旬餘不尅燕王慕容皝遣子恪帥胡騎二  
千晨出挑戰諸門皆若有師出者四面如雲季龍大  
驚棄甲而遁

冉閔僭立其將胡睦孫威爲石琨所敗士卒略盡睦



威單騎而還琨等軍且至閔將出擊之徯將軍王泰等曰竊寇狂迷希望外援今強救雲集欲吾出戰腹背擊我宜固壘勿出觀勢而動以挫其謀今陛下親戎如失萬全大事去矣請慎無出臣請率諸將爲陛下滅之閔將從之道士法饒進曰太白經昴當殺胡王一戰百尅不可失也閔懷袂大言曰吾決矣敢諫者斬於是衆盡出戰姚襄悅縮石琨等三面攻之石祇衝其後閔師大敗閔潛於襄國行宮與十餘騎奔鄴降胡栗時康等執冉裔及左僕射劉琦等送於祇書殺之司空石璞尚書令徐機車騎胡睦侍中李琳

中書監盧諶少府王爵尚書劉琰劉休等及諸將士死者十餘萬人於是人物殲矣賊盜蜂起司與大饑人相食自季龍末年而閔盡散倉庫以樹私恩於羗胡相攻無月不戰青雍幽荊州徙戶及諸氏羗胡蠻數百餘萬各還本土道路交錯互相殺掠且饑疫死亡其能達者十有三二諸夏紛亂無復農者閔悔之誅法饒父子支解之

前秦苻堅旣爲晉師所敗諸軍悉潰惟慕容垂一軍獨全堅以千餘騎赴之垂子寶欲殺堅垂不從乃以兵屬堅收離散比至雒陽衆十餘萬百官威儀軍容

粗備未及關而垂有貳志說堅請巡撫燕岱弁求拜  
墓堅許之權翼固諫以爲不可堅不從尋懼垂爲變  
悔之遣驍騎右越率卒三千戍鄴驃騎張蚝率羽林  
五千戍并州留兵四千配鎮軍蚝當戍雒陽後衛軍  
從事中郎丁零翟斌反于河南長樂公符丕遣垂及  
符飛龍討之垂南結丁零殺飛龍盡坑其衆遂叛  
後秦姚興僭立使中軍姚弼後軍歛成鎮遠乞伏乾  
歸等率步騎三萬伐秃髮儁檀左僕射齊莫等率騎  
二萬討赫連勃勃吏部尚書尹昭諫曰儁檀恃遠輕  
敵違逆宜詔蒙遜及李玄盛使自柝攻擊待其斃也

然後取之此下莊之舉也興不從勃勃退保河曲弼  
濟自金城進拔昌松長驅至姑臧儁檀嬰城固守出  
奇兵擊弼弼敗退據西苑興又遣大將軍姚顯率騎  
二萬爲諸節度至高平聞弼敗績兼道赴之撫慰河  
外率衆而還儁檀遣使人徐宿詣興謝罪齊莫爲勃  
勃所擒後秃髮儁檀獻興馬三千匹羊三萬頭興以  
爲忠於已乃署儁檀爲涼州刺史王尚還長安涼州  
人申屠英等二百餘人遣主簿胡威詣興請留尚興  
弗許引威見之威流涕謂興曰臣州奉國五年王威  
不接御膳棲冰孤城獨守者仰恃陛下威靈俯伏良

彼惠化忽違天人之心以萃土咨眇若僣檀才望應代臣豈敢言竊聞乃以臣等偵馬三千疋羊三萬口如所傳實者是爲棄人貴畜苟以馬供軍國直煩尚書一符三千餘家戶輸一匹朝下夕辨何故以彼方率土委此姦胡昔漢武傾天下之資開建河西隔絕諸戎斷匈奴右臂所以終能大宛王母寡今陛下方布政玉門流化西域柰何以五郡之地資之險兇忠誠率族棄之虐虜非但臣州里塗炭懼方爲聖朝肝食之憂興乃遣西平人車普馳上王尚又遣使喻僣檀會僣檀已至姑臧普以狀先告之僣檀懼脅遣王

尚遂入姑臧

後涼呂纂旣僭位將伐禿髮利鹿瓜中書令楊穎諫曰夫起師動衆必參之天人苟非其時聖賢所不爲禿髮利鹿瓜上下用命國未有釁不可以伐宜繕甲養銳觀課農殖待可乘之機然後一舉蕩滅比年多事公私罄竭不深根固本恐爲患將來願抑赫斯之怒思萬全之美纂不從度浩疊河爲鹿孤弟僣檀所敗

後蜀李雄僭位初楊難敵之奔葭萌也安比李稚厚撫之縱其兄弟還武都難敵遂恃險多爲不法稚請

討之雄遣中領軍瑒及將軍樂次費他李乾等繇白水橋攻下辨征東李壽督瑒弟珩攻陰平難敵遣軍距之壽不得進而瑒稚長驅至武街難敵遣兵斷其歸道四面攻之獲瑒稚死者數千人瑒稚雄兄蕩之子也雄深悼之不食者數日言則流涕深自咎責焉

冊府元龜

淮南李嗣京叅閱

西極文翔鳳訂正

豫章黃國琦較釋

僭偽部

二十六

兵敗

兵法云賢智不用上下不親賞罰不當勞逸無別規候不審奇正不分此敗之道也若乃乘亂投隙僭竊名器日恃於武力爭勝於危事於是徇佳兵之志犯黷武之戒封執獨見斥去忠言以至昏醉而御戎誅

殺以徇衆繇此喪衆至於失邦者蓋本無德義輕驕  
倔強自速其咎非不幸也易所謂投戈散地六親不  
能相保者良爲此哉

前涼張駿自稱涼州牧遣武威太守竇濤金城太守  
張閭武嶼辛巖揚烈將軍宋輯等率衆東會將軍韓  
璞攻討秦州諸郡時劉曜遣其將劉喬來距屯於狄  
道城韓璞進度沃千嶺辛巖曰我握衆數萬藉氏羗  
之銳宜速戰以滅之不可以久久則變生璞曰自夏  
末以來太白犯月辰星逆行白虹貫日皆變之大者  
不可以輕動而不捷爲禍更深吾將久而斃之且曜

與石勒相攻喬亦不能久也積七十餘日軍糧竭遣  
辛巖督運於金城喬聞之大悅謂其諸士曰韓璞之  
衆十倍於吾羗胡皆叛不爲之用吾糧廩將懸難以  
持久今虜分兵運糧可謂天授吾也若敗辛巖璞等  
自潰彼衆我寡宜以死戰戰而不捷當匹馬得還宜  
厲爾戈矛竭汝智力衆咸奮於是率騎三萬襲巖於  
沃千嶺敗之璞軍遂潰死者二萬人面縛歸罪駿曰  
孤之罪也將軍何辱皆赦之

張祚自稱涼州牧遣其將和昊率衆伐驪軒戎於南  
山大敗而還祚宗人張璠時鎮枹罕祚惡其疆遣其

將易揣張瑒率步騎萬三千以襲之時張掖人王鸞頗知神道言於祚曰軍出不復還涼國將有不利矣祚大怒以鸞妖言沮衆斬之以徇三軍及發鸞臨刑曰我死不二十日軍必敗後果爲璿所敗

張天錫爲涼州牧時羌廉岐自稱益州刺史率略得四千家背符堅就李儼天錫自往討之儼大敗入城固守遣子純求救於符堅堅使其將王猛救之天錫敗績死者十二三晉大元元年符堅遣其將苟萇毛當梁熙姚萇來寇天錫率萬人頓金昌城龍驤將軍馮達率萬人逆萇等因請降兵人散走征東嘗據中錄事席仿皆戰死司兵趙克哲與萇苦戰又死中衛將軍史景亦没于陣天錫大懼出城自戰城內又反天錫窘道降于萇等

前趙劉聰僭卽帝位以劉曜爲雍州牧據長安安定太守賈延及諸氏羗皆送質任雍州刺史麴時新平太守竺恢固守不降護軍麴允平陽令梁肅自京兆南山將奔安定遇疋任子於陰密擁還臨涇推疋爲平西將軍率衆五萬攻曜於長安扶風太守梁綜及麴時竺恢等亦率衆十萬會之曜遣劉雅趙染來距敗績而還曜又盡長安銳卒與諸軍戰於黃丘曜衆

大敗聰又使劉粲劉曜攻劉琨于晉陽晉陽降粲琨與左右數十騎攜其妻子奔於趙郡之亭頭遂如嘗山告敗於猗盧且乞師猗盧遣子曰利孫賓六須及將軍衛雄姬澹等率衆數萬攻晉陽琨收散卒千餘爲之鄉導猗盧率衆六萬至於狼猛驪及賓六須戰於汾東曜墜馬中流矢自被七創乃入晉陽夜與劉粲等掠百姓踰蒙山遁歸猗盧率騎追之戰于藍谷粲敗績斬其征虜邢延獲其鎮北劉豐猗盧伐之而還

劉曜借卽帝位遣其將劉岳攻石勒將石生于金墉石季龍率步騎四萬人自成臯關岳陳兵以待之戰於維西岳師敗績岳中流矢退保石梁季龍遂塹柵列圍逼絕內外曜親率軍援岳季龍率騎三萬來距曜次於金谷無故大驚軍中潰散乃退如澠池夜中又驚士卒奔潰遂歸長安季龍執劉岳及其將王勝等八十餘人并氏羗三千餘人送于襄國坑士卒一萬六千曜自至澠池素服郊哭七日乃入城其後曜攻石生于金墉聞季龍進據石門續知石勒自率大衆已濟始議增榮陽戍杜黃馬關俄而雒水侯者與勒前鋒交戰擒羯送之曜問曰大胡自來邪其衆大

小復何如羯曰大胡自來軍盛不可當也曜色變使搆金墉之圍陳于洛西南北十餘里曜少而淫酒末年尤甚勒至曜將戰飲酒數斗嘗乘赤馬無故踣頓乃乘小馬比出復飲酒斗餘至于西陽門搗陣就平勒將石堪因而乘之師遂大潰曜昏醉奔退馬陷石渠墜於水上被槍十餘通中者三爲堪所執送于勒所

後趙石勒初僭稱趙王遣將孔萇攻陷文鴛十餘營萇不設備鴛夜擊之大敗而歸其後劉曜敗石季龍于高候遂圍雒陽勒荊陽太守尹矩野王太守張進等皆降之襄國大震乃僭卽帝位秦州休屠王羗叛於勒刺史臨深遣司馬管光帥州軍討之爲羗所敗隴右大擾氏羗悉叛

石季龍僭稱天王以西平張伏屠爲都督征討諸軍事帥步騎三萬擊涼州旣濟河與張駿將謝艾大戰於河西伏屠敗績及僭卽帝位涼州戍卒高力梁犢等起兵東還犢自稱晉征東大將軍率衆攻臨下辨逼張茂爲大都督大司馬載以輜車安西劉寧自安定擊之大敗而還秦雍間戍卒無不摧陷斬二千石長史長驅而東高力等皆多力善射一當十餘人雖



無兵甲所在掠百姓大斧施一丈柯攻戰若神所向  
皆潰戍卒皆隨之比至長安衆已十萬其樂平王石  
苞時鎮長安盡銳拒之二戰而敗犢遂東出潼關進  
如雒川李龍以李農爲大都督行大將軍事統衛軍  
張賀度征西張良征虜石閔等率步騎十萬討之戰  
於新安農師不利又戰於雒陽農師又敗乃退壁成  
臯

冉閔僭卽帝位攻石祗於襄國祗遣使詣慕容雋姚  
弋仲以乞師會石琨自冀州援祗弋仲復遣其子襄  
率騎三萬八千至漏頭雋遣將軍悅綰率甲卒三萬

自龍城三方勁卒合十餘萬閔遣車騎胡睦拒襄於  
長盧將軍孫威侯琨于黃丘皆爲敵所敗士卒畧盡  
睦威單騎而還琨等軍且至閔盡衆出戰姚襄悅綰  
石琨等三面攻之祗衝其後閔師大敗閔潛於襄國  
行宮與十餘騎奔鄴降胡栗時康等執冉裔及左僕  
射劉琦等送於祗盡殺之司空石璞尚書令徐機車  
騎胡睦侍中李琳中書監盧諶少府王儁尚書劉欽  
劉休等及諸將士死者十餘萬人

前燕慕容暕僭卽帝位晉南陽督護趙弘以宛降於  
臨臨遣其南中郎將趙盤自魯陽戍宛比至晉右將

軍桓豁攻宛拔之趙盤退奔魯陽豁遣輕騎追盤及於雒城大戰大敗之執盤戍宛而歸其後晉大司馬桓溫江州刺史桓冲豫州刺史袁真率衆五萬伐臨前交州刺史孫元起兵應之溫部將檀玄攻胡睦執睦寧東慕容忠臨遣其將慕容厲與溫戰於黃墟厲師大敗單馬奔還高平太守徐翻以郡歸順溫前鋒朱序又破臨將傅顔於林渚符堅又使其將王猛楊安率衆伐臨猛攻壺關安攻晉陽臨使慕容評率中外精卒四十餘萬拒之與猛戰於潞州評帥大敗死者五萬餘人評等單騎遁還猛遂長驅至鄴堅復率

衆十萬會猛攻臨散騎侍郎徐蔚等率扶餘高句麗及上黨質子五百餘人夜開城門以納堅軍臨與評等數十騎奔於昌黎堅遣郭慶追及臨於高陽縛送於堅

前秦符堅僭稱天王時符璉據上邽符柳據蒲坂叛於堅符廋據陝城符武據安定並應之將其伐長安堅遣後禁將軍楊成世左將軍毛嵩等討璉武爲其所敗末年遣征南符融驃騎張蚝撫軍符方衛軍梁成平慕容暉冠軍慕容番率步騎三十五萬爲前鋒堅發長安戍卒六十餘萬騎二十七萬前後千里旗

鼓相望晉遣都督謝石徐州刺史謝玄豫州刺史桓  
伊輔國謝琰等水陸七萬相繼距融去雒澗二十五  
里憚梁成不敢進龍驤將軍劉牢之率勁卒五千夜  
襲城壘尅之斬成及王顛王詠等十將士卒死者萬  
五千謝石等以旣敗梁成水陸繼進堅與符融登城  
而望王師見部陣齊整將士精銳又北望八公山上  
草木皆類人形時張蚝敗謝石於淝南謝玄謝琰勒  
卒數萬陣以待之蚝乃退列陣逼淝水王師不得渡  
遣使謂融曰君懸軍深入置陣逼水此持久之計豈  
欲戰者乎若小退師令將士周旋僕與君公緩轡而

觀之不亦美乎融於是麾軍却陣欲因其濟水覆而  
取之軍遂奔退制之不可止融馳騎畧陣馬倒被殺  
軍遂大敗王師乘勝追擊至於青岡死者相枕堅爲  
流矢所中卑騎遁還於淮北饑甚人有進壺殮豚髀  
者堅食之悅曰昔公孫豆粥何以加也命賜帛十疋  
絲十斤辭曰臣聞白龍厭天池之樂而見困豫且陛  
下日所覩也耳所聞也今蒙塵之難豈自天乎且妾  
施不爲惠妾受不爲忠陛下臣之父也安有子養而  
求報哉弗顧而退堅大慙顧謂其夫人張氏曰朕若  
用朝臣之言豈見今日之事邪當何面目復臨天下

乎潛然流涕而去聞風聲鶴唳皆謂晉師之至堅還  
長安後爲慕容冲所逼冲率衆登城堅身貫甲冑率  
戰距之飛矢滿身流血被體三輔人爲冲所畧者咸  
遣使告堅請放火以爲內應堅遣騎七百應之而冲  
營放火者爲風焰所燒其能免者十一二城中有書  
曰古符傳賈錄載帝出五將久長得先是人謠曰堅  
人五將山長得堅大信之告其太子宏曰朕如此言  
天或導余今留汝兼總戎政勿與賊爭利吾當出隴  
收兵運粮以給汝天其或者正訓予也於是遣衛將  
軍定楊擊冲於城西爲冲所擒堅彌懼付宏以後事

將中山公說張夫人率騎數百出如五將宣告州郡  
期以孟冬救長安宏等母妻宗室男女數千騎出奔  
百僚逃散慕容冲入據長安縱兵大掠死者不可勝  
計堅至五將山爲姚萇慕容忠所執符丕僭卽帝位  
於晉陽及進據平陽遣將王永及符纂攻慕容永於  
襄陵王永大敗及前鋒都督俱石子皆死之初符纂  
之奔丕也部下壯士三千餘丕猜而忌之及永之敗  
懼爲纂所殺率騎數千南奔東垣晉揚威將軍馮該  
自陝要擊敗之斬丕首執其太子寧長樂王壽送於

京師

符登僭卽帝位遣騎大將軍竇衝攻姚萇與萇戰於  
沂東爲萇所敗登征虜馮翊太守蘭犢率衆二萬自  
潁陽入於和寧與符纂首尾將圖長安纂弟師奴殺  
纂自立爲秦公蘭犢絕之皆爲萇所敗其後登以尙  
書符碩原爲前禁將軍滅羌較尉戍平涼登進據苟  
頭原以逼安定萇率騎三萬夜襲大界營陷之殺登  
妻飞氏及其子弁尙書各將數十人驅掠男女五萬  
餘口而去登收合餘兵退據胡空堡其後進攻新平  
萇率衆救之登引退復攻安定爲萇所敗據路承堡  
及姚萇死登聞之喜曰姚興小兒吾將拆杖以笞之

於是大赦盡衆而東攻屠各姚奴帛蒲二堡尅之自  
茸泉向關中興追登不及數十里登從六陌趣廢橋  
興將尹緯據橋以待之登爭水不得衆渴死者十二  
三與緯大戰爲緯所敗其夜衆潰登單馬奔雍乞伏  
乾歸遣騎二萬救登登引軍出迎與戰於山南爲興  
所敗被殺

後秦姚興僭卽帝位仇池公楊盛叛擾祁山遣建威  
趙琨率騎五千爲前鋒立節楊伯壽統步卒繼之前  
將軍姚恢左將軍姚文宗入自鷲峽鎮西秦州刺史  
姚嵩入羊頭峽右衛胡翼度從陰密出自沂城討盛

典將輕騎五千自雍赴之盛率衆與琨相持伯壽畏懦弗進琨衆寡不敵爲盛所敗典斬伯壽而還姚泓僭襲父位仇池公楊盛攻陷祁山執建節王攄遂逼秦州泓遣後將軍姚平救之盛引退姚嵩與平追盛及千竹嶺姚讚率隴西太守姚秦都維陽太守王煥以禁兵赴之讚至清水嵩爲盛所敗嵩及秦都王煥皆戰死其後晉太尉劉裕摠大軍伐泓王師至成臯征南姚洸時鎮維陽馳使請救泓遣越騎較尉閻生率騎三千以赴之武衛姚益男將步率一萬助守維陽又遣征東并州牧姚懿南屯陝津爲之聲援

洸遣部將翟斌募精兵千餘南守栢谷塢廣武石無諸東戍鞏城以距王師會陽城及成臯滎陽武牢諸城悉降晉將檀道濟等長驅而至無諸至石關奔還玄與晉將毛德祖戰於栢谷以衆寡而敗姚禹踰城奔于王師道濟進至維陽洸懼遂降其後泓遣輔國胡翼度據東原武衛姚鸞營於大路與晉軍相接晉將沈林子簡精銳啣枚夜襲之鸞衆潰戰死士卒死者九千餘人姚讚屯于河上讚爲林子所敗單馬奔定城姚紹遣左長史姚洽及姚墨蠡等率騎三千屯於河北之九原林子率衆八千要洽於河上洽戰死

衆皆沒紹聞洽等敗嘔血而死林子率精兵萬餘越山開道會沈田子於青泥將攻姚泓使姚裕率步騎八千距之泓躬將大衆繼發裕爲田子所敗鎮北姚疆率郡人數千與姚難陣於涇上以拒晉將王鎮惡遣毛德祖擊疆大敗疆戰死難遁還長安劉裕進據鄭城泓使姚裕及尚書龐純屯兵營中姚洸屯於澧西尚書姚白瓜徒四軍雜戶入長安姚丕守渭橋胡翼度屯石積姚讚屯霸東泓軍於逍遙園夾渭進兵破姚丕於渭橋泓自逍遙園赴之逼水地狹因丕之敗遂相踐而退姚讚及前軍姚烈左衛姚寶安散

騎王帛建武姚進楊威姚晁尚書左丞孫玄等皆死於陣泓單馬還宮鎮惡入自平朔門泓與姚裕等數百騎出奔於石橋因將妻子詣壘門而降後蜀李特僭稱益州牧攻成都益州刺史羅尚城守晉遣漢州刺史宋岱建平太守孫阜救尚阜已次德陽特遣蕩督李璜助任臧距阜尚遣大衆奄襲特營連戰二百衆少不敵特軍大敗收合餘卒引趣新繁尚軍引退特復追之轉戰三十餘里尚出大軍逆戰牧軍敗績斬特傳首雒陽李雄僭卽帝位遣大傅李驥征越雋旣降之驥進軍

繇小會攻寧州刺史王遜遜使其將姚岳悉衆距戰  
驥軍不利又遇霖雨驥引軍還爭濟瀘水土衆多死  
又遣中領軍李瑒及將軍樂次費他李萇李稚等討  
陽難敵繇白水橋攻下辨征東李壽督瑒弟珩攻陰  
平難敵遣軍距之壽不得進而瑒稚長驅至武街難  
敵遣兵斷其歸道四面攻之獲稚死者數千人  
後涼呂隆僭卽天王位魏安人焦郎遣使說姚興將  
姚碩德伐之碩德遂率衆至姑臧隆遣弟輔國呂超  
出戰大敗遁還隆收集離散嬰城固守於是群臣表  
求與姚興通好隆從之伏請降于碩德

後燕慕容垂僭卽帝位遣其太子寶及慕容農慕容  
麟等率衆八萬伐魏慕容德慕容紹以步騎一萬入  
于爲寶後繼魏聞寶將至徙往河西寶進師臨河懼  
不敢濟還次參合忽有大風黑氣狀若隄防或高或  
下臨覆軍上沙門支曇猛言於寶曰風氣暴迅魏軍  
將至之候宜遣兵禦之寶笑而不納曇猛固以爲言  
乃遣麟率騎游獵俄而黃霧四塞日月晦冥是夜魏  
師大至三軍奔潰寶與德等數千騎奔免士衆死者  
十一二紹死之

慕容寶襲僞位魏伐并州驃騎李農逆戰敗績還于



晉陽司馬慕容嵩閉門距之農率騎數千奔中山行  
及潞州爲魏追軍所及餘騎盡沒單馬遁還其後寶  
聞魏有內難乃盡衆出距步卒十二萬騎三萬七千  
次於曲陽柏津魏軍進至新梁寶憚魏師之銳及遣  
征北隆夜襲魏軍敗績而還軍方軌而至對營相持  
上下兇懼三軍奪氣農麟勸寶還中山乃引歸魏軍  
追擊之寶農等棄大軍率騎二萬奔還時大風雪凍  
死者相枕於道寶恐爲魏軍所及命去袍伏戎器寸  
刃無返

西秦乞伏乾歸僭稱河南王姚興碩德率衆五萬伐  
之入自南安峽乾歸次於隴西以距碩德興潛師繼  
發乾歸聞興將至遣其衛軍慕容允率中軍二萬遷  
於相陽鎮軍羅郭將外軍四萬遷于候辰谷乾歸自  
率輕騎數千候興軍勢俄而大風昏霧遂與中軍相  
失爲興追騎所逼入於外軍旦而交戰爲興所敗乾  
歸遁還苑川遂走金城率騎數百馳至允吾秃髮利  
鹿孤處之於晉興乾歸後懼爲利鹿孤所害遂奔長  
安

南涼秃髮儁檀僭稱河西王徵集戎夏之兵五萬餘  
人大閱於方亭遂伐沮渠蒙遜入西陝蒙遜率衆來

距戰于均石爲蒙遜所敗僞檀率騎二萬運穀四萬石以給西郡蒙遜攻西郡陷之其後僞檀又與赫連勃勃戰于陽武爲勃勃所敗將佐死者十餘人僞檀與數騎奔南田幾爲追騎所得蒙遜進圍姑臧百姓懲東苑之戮悉皆驚散壘掘麥田車蓋諸部盡降于蒙遜僞檀遣使請和蒙遜許之乃遣司隸較尉敬歸及子他爲質歸至胡坑逃還他爲追兵所執蒙遜徙其衆入千餘戶而歸吐谷渾樹維于率衆來伐僞檀遣其太子武臺距之爲維于所敗僞檀又將伐蒙遜耶川護軍孟愷諫曰蒙遜初并姑臧凶勢甚盛宜固守伺隙不可妄動不從五道俱進至耆耒若藿掠五千餘戶其將屈在進曰陛下轉鬪千里前無完陣徒戶資財盈溢衢路宜倍道旋師早度峻嶮蒙遜善於用兵士衆習戰若輕車卒至出吾慮表大敵外逼徙戶內攻危之道也衛尉伊力延曰我軍勢方盛將士勇氣固倍彼徒我騎勢不相及若倍道旋師必捐棄資財示人以弱非計也屈在出而告其諸弟曰吾言不用天命也此吾兄弟死地俄而昏霧風雨蒙遜軍大至僞檀敗績而還赫連勃勃求婚於僞檀僞檀弗許勃勃怒率騎二萬來伐殺傷萬餘人僞檀率衆追

之其將焦朗謂儻曰勃勃天姿雄鷹御軍齊肅未可輕也今因抄掠之資率息歸之士人自爲戰難與爭鋒不如從溫圖北渡趣萬斛堆阻水結營制其咽喉百戰百勝之術也儻將賀連怒曰勃勃以死亡之餘率烏合之衆犯順結禍幸有大功今牛羊塞路財寶若山窘弊之餘人懷貪競不能督厲士衆以抗我也我以大軍臨之必士傾魚潰今引軍避之示敵以弱我衆氣銳宜在速追儻曰吾追計決矣敢諫者斬勃勃聞而大喜乃於陽武下陝鑿陵埋車以塞路儻遣善射者射之中勃勃左臂勃勃乃勒衆逆

守伺隙不可妄動不從五道俱進至番未若藿掠五千餘戶其將屈在進曰陛下轉鬪千里前無定陣徙戶資財盈溢衢路宜倍道旋師早度峻嶮蒙遜善於用兵士衆習戰若輕車卒至出吾慮表大敵外逼徙戶內攻危之道也衛尉伊力延曰我軍勢方盛將士勇氣固倍彼徒我騎勢不相及若倍道旋師必捐棄資財示人以弱非計也屈在出而告其諸弟曰吾言不用天命也此吾兄弟死地俄而昏霧風雨蒙遜軍大至儻敗績而還赫連勃勃求婚於儻儻弗許勃勃怒率騎二萬來伐殺傷萬餘人儻率衆追

之其將焦朗謂僞檀曰勃勃天姿雄鷲御軍齊肅未可輕也今因抄掠之資率息歸之士人自爲戰難與爭鋒不如從温圖北渡趣萬斛堆阻水結營制其咽喉百戰百勝之術也僞檀將賀連怒曰勃勃以死亡之餘率烏合之衆犯順結禍幸有大功今牛羊塞路財寶若山窘弊之餘人懷貪競不能督厲士衆以抗我也我以大軍臨之必士傾魚潰今引軍避之示敵以弱我衆氣銳宜在速追僞檀曰吾追計決矣敢諫者斬勃勃聞而大喜乃於陽武下陝鑿陵埋車以塞路僞檀遣善射者射之中勃勃左臂勃勃乃勒衆逆

爲界

河東劉崇僭稱帝位遣兵三千餘衆寇府州爲節度使折德辰所破其所部岢嵐軍爲德辰所取周世宗嗣位崇乞師于虜與虜將楊克合勢大舉來迫潞州顯德元年三月世宗親征與崇戰于高平大敗之崇與親騎十數人踰山而遁中夜逃惜不知所適劫村民使爲鄉導誤趨晉州路行百餘里方覺崇怒殺鄉導者得他路而去距太原一舍其子承鈞夜以兵百人迎之而入及周師至城下崇氣懾自固閉壘不出月餘世宗乃旋軍

冊府元龜 卷之三百三十四 十一

冊府元龜 卷之三百三十四 十一

冊府元龜 卷之三百三十四 十一

冊府元龜 卷之三百三十四 十一

冊府元龜 卷之三百三十四 十一

冊府元龜 卷之三百三十四 十一

冊府元龜 卷之三百三十四 十一

冊府元龜 卷之三百三十四 十一

冊府元龜 卷之三百三十四 十一

冊府元龜 卷之三百三十四 十一

冊府元龜 卷之三百三十四 十一

冊府元龜

淮南李嗣京參閱

西極文翔鳳訂正

豫章黃國琦較釋

列國君部

總序

易之比象曰先王以建萬國親諸侯自黃帝制城畫野得百里之國萬區帝堯在位協和萬邦禹會塗山執玉萬國以至于桀存者三千商氏之起大明憲法立公侯伯子男凡五等之爵其分土則公侯地方百

冊府元龜 列國部

里伯七十里子男五十里爲三等之制其不能五十里者附於諸侯曰附庸九州之地各方千里州建二百一十國天子之縣內建九十三國而附庸不與焉千里之外設方伯五國以爲屬屬有長十國以爲連連有帥三十國以爲卒卒有正二百一十國以爲州州有伯八州八百五十六正百六十八帥三百十六長八伯各以其屬屬於天子之老二入分天下以爲左右曰二伯其縣內諸侯選賢以置於位食其國祿而不得世外諸侯以功而封象賢繼立周承商制所封凡八百國同姓五十有餘所以親親賢賢褒美功德播於雅頌關諸盛衰深根固本爲不可拔者也幽平之後日以陵替分爲二周天下謂之共王諸侯雖強大猶不敢窺周鼎蓋枝葉相持藩垣外固繇制法於在昔得長世之善經而使之然也故仲尼之刪定典籍約史記以脩春秋丘明受經垂諸傳述其槩見之大國者周公之子伯禽封曲阜爲魯侯武王之子唐叔虞封太原爲晉侯文王之子四人康叔封朝歌爲衛侯度封上蔡爲蔡侯又振鐸之後封陶丘爲曹伯繡之後封滕爲滕侯宣王母弟友封鄭爲鄭伯召公奭之後封薊爲北燕伯仲雍之孫周章封吳爲吳

公奭之後封薊爲北燕伯仲雍之孫周章封吳爲吳

子太公望之後封管丘為齊侯有熊之曾孫熊繹封  
 丹陽為楚子非子之後封岐之地為秦伯紂兄微子  
 封商丘為宋公胡公封陳為陳侯伯夷之後封許為  
 許男少昊之後封莒為莒子顓頊之後封邾為邾子  
 又別封邾俠之後居郟為小邾子夏禹之後封杞為  
 杞伯少康之後封會稽為越子凡大國二十其薛伯  
 虞公虢公紀侯邢侯息侯鄭伯鄧侯賈伯隨侯梁伯  
 徐子郟子沈子邴子唐侯胡子郈子南燕伯宿男葛  
 子巴子州公宗子郟子穀伯荀侯賴子譚子滑伯舒  
 子弦子須子頓子糜子郟子黎侯偃陽子鍾吾子

凡三十九國又紀芮東虢蕭蔡羅夷管凡八國下其  
 爵其小國凡四十七焉又有申其向極戴魏遂鄆黃  
 貳軫州綏六葛於餘兵蓼牟權霍耿陽江冀舒蓼巢  
 道柏厲微項箕崇英顓臾審雍任鄆聃邾畢黎昆吾  
 茅應邾寒郟蔣根牟胙郈瑕有萃闞鞏介斟灌偃過  
 庸邾爽鳩焦鄆邾有庸庸斟尋函戈韓緡楊邳觀褒  
 姓緡豕韋岐仍商奄駘房大庭亳桐密須窮桑封父  
 甲父凡九十四國但存爵號而無世次其間亦有虞  
 夏商周之所封皆春秋之攸著者也當其各受分土  
 保有疆域歲時述職率遵王命洎周德微弱國綱寢

弛而猶五伯更起迭主夏盟尊獎徵討存亡繼絕政  
 令有所稟小陋賴其庇既而霸道交喪庶邦力攻上  
 有虛位之耻下無方伯之勢強弱相吞莫知能救春  
 秋之後其存者魯衛齊楚宋鄭燕秦趙魏中山凡十  
 二國焉其後楚考烈王滅魯頃公遷於下遂為家人  
 而魯絕祀秦徙衛元君於野王而并其地為東郡不  
 得列於諸侯齊湣王與楚伐宋殺王偃滅宋而三分  
 其地韓哀侯滅鄭而併其國魏文侯使樂羊拔中山  
 凡亡五國其存者秦楚燕魏韓齊趙七國而已終為  
 秦所併焉今之所紀自春秋以來列國君臣善敗之

跡訖于七國為列國君部凡四十門

建國

錫命

奉先

建國

古者竝建諸侯以承天子所以尊宗廟重社稷也自  
 黃帝之畫野分州得百里之國萬區蓋封建之舊制  
 矣然而史氏闕紀莫得而詳爰及姬氏周監於二代  
 乃設五等之爵為九服之辨列樹勳戚作得根固本  
 之計重之以分器祚之以世族大者著乎賜履小亦  
 僅乎一同藩屏輔衛於是乎在至於建侯裂壤以申  
 畫郊圻畫土立疆而肇建宗祀職方之志斯著輿地



之圖足徵故始封遷卜之諸侯以詳述之矣

吳太伯之犇荆蠻自號勾吳及周武王克殷求太伯

仲雍之後得周章已君吳因而封之乃封周章弟虞

仲於周之北故夏虎在河東大陽縣是為虞仲列為諸侯

魯周公且武王弟也周公佐武王破殷封且於少昊

之虛曲阜是為魯公不就封周公卒子伯禽因以前

受封是為魯公

燕召公奭與周同姓姓姬氏周武王之滅紂封召公

於北燕有南燕故云北燕居廣陽薊野

管叔鮮周文王子而武王弟也武王克殷紂平天下

封叔鮮於管今滎陽京縣東北管城

蔡叔度周文王子而武王弟也武王克殷紂平天下封

叔度於蔡初居上蔡蔡平侯徙新蔡汝南縣也後二世

殺上蔡

衛康叔名封周武王同母少弟成王伐殷殺武庚祿

父管叔放蔡叔以武庚殷餘民封康叔為衛君居河

淇間故商墟衛成公自楚丘徙濮陽

鄆故國今滎陽密縣東北鄆城

唐叔虞者周武王子成王弟成王封叔虞於唐唐在

河汾之東方百里故曰唐叔虞都於冀

世本曰居鄂宋志曰鄂地

今在昭侯封文侯弟成師於曲沃是為曲沃武公武  
大夏公後併晉地而有之

鄭桓公友宣王庶弟年表云宣王立二十二年初封

於鄭地里志云京兆太伯曰王室多故子安逃死乎

對曰獨雒之東土河濟之南可居桓公卒言王東徙

其民雒東而號鄆果獻十邑十邑謂號鄆鄆蔽竟國

之今河西

曹姬姓文王子叔振鐸之後武王封之陶丘今濟陰

滕姬姓周文王子叔繡之後武王封之居滕今沛郡

公丘縣

虢姬姓文王弟虢仲之後治今弘農陝縣

應周武王弟所封今在潁川城父應鄉又左傳云邢

穆也此則應

魏姬姓國史一載所其地虞舜夏禹所都之域在古

冀州雷首之北析城之西南沈河曲北涉汾水後為

滅其後晉獻公滅魏以封畢萬萬從其國為魏氏文

公時為列大夫魏悼子徙治霍晉悼公時魏昭子徙

治安邑其後惠王徙治大梁畢萬之先畢公高與周

畢畢在長

耿姬姓國平陽皮氏縣東南趙氏之先造父幸於周

册府元龜

列國部

卷之三十三

繆王賜以趙城繇此為趙氏叔帶去周事晉始建趙氏于晉國

地理志何東永安故地周穆王封造父之趙城

晉獻公滅耿以賜

趙夙至浣自耿徙中牟至敬侯始都邯鄲

韓氏之先與周同姓其後裔事晉封於韓原周末韓

景侯自新鄭徙陽翟

齊太公望其先祖虞夏之際封於呂

呂在南陽宛縣西

或封

於申姓姜氏佐周武王伐商封於齊營丘其後獻公

因徙薄姑都治臨淄田完初自陳奔齊始食采於田

故為田氏其後以田嘗疆盛割齊自安平土以東至

瑯琊自為封邑至田和并有齊國為諸侯

楚熊繹芊氏周成王舉文武勤勞後初封於楚蠻以

子男之田居丹陽

在南都枝江縣

其後文王熊賁始都郢襄

王橫為秦所敗東北保於陳城考烈王東徙都壽春

秦非子初居大丘周孝王分土為附庸邑之秦

今天水隴

西縣秦亭是者也

後世秦襄公以兵送周平王徙雒邑平王

賜之岐以西之地於是始得國公初居雍城獻公城

櫟陽而都之

今萬年

孝公十二年作為咸陽築冀闕

徙都之

杞夏禹之後周武王克殷紂求禹之後得東樓公封

之於杞杞今陳留雍丘

越其先夏少康之庶子封於會稽以奉守禹之祀  
陳胡公蒲者虞帝舜之後姓媯氏周武王克殷乃求  
舜後得媯蒲封之於陳

宋微子開者殷帝乙之首子紂之庶兄也成王誅武  
庚殺管叔放蔡叔乃命微子開代殷後國于宋都商  
丘大辰之墟今梁國睢陽

許姜姓堯四岳伯夷之後武王封其苗裔文叔於許  
今潁川許昌是靈公徙葉悼公遷于夷一名城父又  
居析一名白羽許男斯處容城

莒嬴姓少昊之後武王封茲與於莒初都許斤後徙  
莒今城陽莒縣計斤今春秋所謂介根

邾國曹姓顓頊之後武王封其苗裔邾俠為附庸居

邾邾今魯國邾縣也文公徙於繹南

小邾邾俠後夷父顏有功其子友別封附庸居東平

昌盧東北邾城

共國汲郡共縣

宿國東平無鹽縣任姓

中山國南陽宛縣

夷國城陽莊武縣所治夷女城

向國龍元縣東向城姜姓炎帝後

南燕國東郡燕縣姬姓黃帝後

凡國汲郡共縣東南凡城

戴國陳留外黃縣東南戴城

息國汝陰新息縣故息國東徙故加新

郟國濟陰城武縣東南北郟城

芮國漢之馬翊臨晉魏之河東河北縣芮鄉

郟國東海郟縣盈姓

州國東莞淳于縣又州國南郡華容縣東南州陵城

穀國南陽筑陽縣穀城

巴國巴郡江州縣

廖國儀陽棗陽縣東南湖陽城後廖國亦作風

羅國南郡宜城縣西山後徙南郡枝江縣

牟國泰山牟縣魯附庸

葛國梁郡寧陵縣東北葛鄉

譚國濟南平陵縣西南譚城

蕭國沛郡蕭縣故蕭叔國宋別封附庸

隧國濟北蛇丘縣東北隧鄉

滑國都費在河南緱氏縣

權國南郡當陽縣東南權城

鄆國東平無鹽縣東北鄆城

霍國平陽永安縣東北霍太山

江國汝南安陽江亭

冀國平陽皮氏縣東北冀亭

弦國弋陽鞞縣東南弦亭 一云在江夏鞞

道國汝南陽安縣南道亭

栢國汝南西平縣栢亭

微國東平壽張縣西北微鄉

繒國琅邪繒縣禹後

厲國儀陽遂陽縣北厲鄉 厲讀曰賴

項國汝陰項縣

密國滎陽密縣姬姓之國也 賴師古謂此密即春秋僖六年圍商密者也詩

所云密人即左傳所謂密湏之故者也在安定陰密

任國東平任城縣

涇句國東平涇昌縣西北句城風姓大昊後

顓臾國泰山南陽縣東北顓臾城

頓國汝南南頓縣頓子姬姓頓迫於陳其後南徙故

號南頓

雍國河南內山陽西雍城

畢國京兆長安縣西北

豐國始平鄠縣東豐邑臺

邢國河內野王縣西北邢城姬姓

應國襄城城父縣西南應城

蔣國弋陽期思縣蔣鄉城

茅國高平昌邑縣西北茅鄉城

胙國東郡燕縣東北胙城

蔓國建平秭歸縣

介國城陽黔陬縣

焦國弘農陝縣故焦城

鄧國南郡鄧縣

鄧侯國

鄧國南陽鄧縣聚

古鄧國

歸國南郡秭歸歸鄉

邳國南郡軹東南邳城

鄭國南郡雲杜鄭城

廬國廬江郡故廬子國

下邳國東海郡下邳邳初在薛其後從師故曰下邳

鍾離國九江郡古鍾離子邑

過當國樂安壽光過鄉

州萊國沛郡下蔡

淳于國北海淳于

鼓國鉅鹿郡下曲陽鼓聚故翟鼓子國

肥國泰山肥城

又云淄川劇故肥國今肥亭是肥國鉅鹿郡下曲陽

西南肥累城

古肥國白狄別種後奔燕封於遼西郡肥如

鑄國濟北宛丘鑄鄉堯後周武王所封

紀國北海劇紀亭

棠國北海郡卽墨棠鄉

夷國北海郡壯武

萊國東萊郡

邠國東海郡開陽

徐國臨淮郡徐盈姓

無終國右北平無終

朝鮮國樂浪郡朝鮮周武王封箕子

鮮虞國中山國新市

陽國城陽都陽城

邳國梁國穀熟邳亭

沈國汝南平輿沈亭

蓼國廬江蓼臯繇後

六國廬江六縣臯繇後姬姓

巢國廬江六縣居巢城

根牟國瑯邪陽都縣東牟鄉城

冊時元龜 列國部 卷之三十三十五



唐國義陽安昌縣東南上唐鄉 唐國又在太原晉陽縣

黎國上黨壺關縣黎亭

郇國河東解縣西北郇城

鬲國平原鬲縣

斟國北海郡斟禹後

斟灌國樂安壽光縣東南灌亭禹後

斟尋國北海郡平壽縣東南斟亭禹後

過國東南萊掖縣北過鄉

刁國宋鄭之間有刁邑

偃陽國彭城傅陽縣姁姓

郭國任城亢父縣詩亭 郭亦作詩

杜國京兆杜縣

楊國平陽楊縣

豳國新平漆縣東北邠城

觀國頓丘衛縣姓姚

黃國汝南弋陽北黃城

房國汝南吳房本房子國楚靈王遷房於楚後封吳

闔閭弟夫繁故曰吳房

胡國汝陽縣西北胡城

黎國汝南魏郡黎陽縣 或云東夷國又漢書地理志黎侯國上黨壺關

密須國安定陰密

甲父國高平昌邑縣東南甲父亭

梁國伯賢之後與秦同祖秦取梁改曰夏陽今馮翊夏陽是也

鍾吾國在東海司吾左傳曰吾執鍾吾子

桐國廬江舒縣西南桐鄉

荀國河東荀城古荀國曰下址古國

潞國上黨潞即潞子國

號國滎陽河南號亭

程國河南雒陽上程聚古程國重黎之後無錫南之關中更有程聚文王居程

徙都豐故上為上程

鞏國河南鞏縣即鞏伯國

豕韋國東郡白馬韋鄉古豕韋氏之國

塗山國九江當塗禹所聚塗山國有禹虛

寒國北海郡平壽寒亭寒泥所封

令支國遼支令西孤竹城故伯夷國

防風國吳興武康

奚仲國魯國薛後遷於邳陽

彭祖國彭城

奄國魯古奄國

錫命

天子建德昭乎利用諸侯正封是為述職稽茂勲之  
 允格故殊命之乃錫粵若厲階斯作得專四履之征  
 外虞以寧始重一貞之錫其或紹休前烈厥政用舉  
 納忠王室多儀克享肇啓公侯之士綽著兵戰之績  
 繇是申之豐報昭其寵數嘉言淑令藹諸簡册至於  
 博選盛族欽成姻好茲率厥典恢纂舊服非有私於  
 各器實攸賴其夾輔者爾

齊太公周成王時管蔡作亂淮夷叛周乃使召康公

命太公曰東至海西至河南至穆陵北至無棣

是皆太公始受封土地疆境所至也 五侯九伯實得征之 五等諸侯九

征討 繇此得征伐為大國

晉文侯周平王錫以秬鬯圭瓚 以圭為杓柄 瓚作文侯

之命 幽王為犬戎所殺平王立而東遷 惟 王若曰父

義和 順其功而命之文侯同 姓故稱曰父義和字也 丕顯文武克慎明德 大

能詳審顯用有德 昭升于上敷聞在下惟時上帝集

厥命于文王 言文王聖德明升于天而布聞在下民 惟以是故上天集其王命德流子孫

亦惟先正克左右昭事厥辟 言君既聖明亦惟先正 官賢臣能左右明事其

君所 越小大謀猷罔不率從肆先祖懷在位 言文王 君聖臣

良於小大所謀道德天下無不循 嗚呼閔予小子嗣

從其化故我後世先祖歸在王位

造天丕愆 言我小子之遭天大罪 殄資澤于下民侵

戎我國家純 言周邦喪亂絕其資用惠澤于 卽我御

事罔或者壽俊在厥服予則罔克 所以遇禍卽戎治

壽考俊德在其服位 我則材劣無能之致 日惟祖惟父其伊恤朕躬嗚呼

有績予一人永綏在位 王曰同姓諸侯在我惟祖惟

呼能有成功則我一人 父義和汝克昭乃顯祖 重稱

長安在王位言侍諸侯 汝肇刑文武用會紹乃辟 字親

追孝于前文人 言汝今始發文武之道矣當用是道

之人汝君平王自謂 汝多脩扞我于艱若汝予嘉 戰

也繼先祖之志為孝 日多言汝之功多甚脩矣乃扞我於 王曰父義和其

歸視爾師寧爾邦 遣令還晉國其歸視 用資爾秬鬯

一卣 黑黍曰秬釀以鬯草不言圭瓚可知卣 彤弓一

彤矢百盧弓一盧矢百 彤赤盧黑也諸侯有大功賜

朝會藏 馬四匹 馬供武用四匹曰乘侯伯 父往哉柔

遠能邇惠康小民無荒寧 父往歸國哉懷柔遠人必

近然後國安安小人之道必 簡恤爾都用成爾顯德

以順無荒廢人事而自安 顯用有德之功成矣不言鄙繇近以及遠

韓侯宣王時錫命尹吉甫作韓奕以美之曰王錫韓

侯淑旂綏章篚第錯衡玄衮赤舄鉤膺鏤錫鞞鞞

幘幃革金厄 淑善也蛟龍為旂綏大綏也錯衡文衡

鏤錫有金鏤其錫也鞞革也鞞鞞巾也

淺虎皮淺文也襪復飾也厄烏蠲也簞笊漆篋以為車蔽今之藩也鈎膺樊纓也楯上曰錫刻金飾之今當盧也偉革謂轡以金又曰以先祖受命因時百蠻為小環徃徃纏益之

王錫韓侯其追其貊奄受北國因其伯韓侯之先祖武王之先

子也因時百蠻長是蠻服之百國也追貊戎狄國也奄撫也諸侯先祖有功德者受先王之命封為韓侯為侯伯其州界外接蠻服因得使持節百蠻貢獻之徃來後君微弱用失其業今王以韓侯先祖之事如是而韓侯賢故欲入覲使復其先祖之舊職錫之蠻服追貊之戎狄令撫柔其所受王畿北面之國因其先祖侯伯之事盡予之皆美其為人子孫能興復先祖之舊功

楚成土惲卽位布德施忠結舊好於諸侯周惠王五

年使人獻天子天子錫胙曰鎮爾南方夷越之亂無

侵中國

齊桓公惠王十年王使召伯廖賜齊王命召伯廖王卿士賜命

為侯伯王欽若等曰齊侯桓公也

襄王元年桓公葵丘之會天子使宰孔致胙於桓公

宰孔宰曰余一人之命有事于文武使孔致胙且有

後命曰以爾自卑勞謂爾伯舅無下拜天子稱王官之伯異姓曰

伯舅無下拜無堂下拜賜也桓公召管子而謀管子對曰為君不

君為臣不臣亂之本也桓公懼出見客曰天威不遠

顏咫尺遠達顏眉目之間八寸曰咫小白余敢承天子之命曰爾

無下拜恐隕越于下以為天子羞遂下拜拜受命賞

服大輅龍旗九旒渠門赤旂大輅諸侯朝服之車謂金帶鈎樊纓九就龍旗

九歲也渠門赤旂所建為諸侯稱顯焉

晉惠公襄王二年王使召武公內史過賜晉侯命

武公周卿士內史過周大夫諸侯即位天子賜之命圭為瑞王欽若等曰魯僖公十一年也晉侯晉惠也

文公襄王二十年獻楚俘于王駟介百乘徒兵千

四馬被甲徒兵步卒鄭伯傳王用平禮也傳相也以周平王享既饗又命晉侯助

已酉王享醴命晉侯宿

氏及王子虎內史叔與父策命晉侯為侯伯

為伯也周禮九命作伯尹氏王子虎皆王卿士也叔與父大夫也三宮命之以寵晉賜之大輅

之服戎輅之服

弓一旅矢千

形赤弓旅黑弓弓一矢百則矢千弓十矣諸侯賜弓矢然後專征伐

一亩

和黑黍鬯香酒所以降神亩器名 虎賁三百人曰王謂叔父敬

服王命以綏四國糾逃王慝

逃遠也有惡於王者糾而遠之 晉侯三

辭從命曰重耳敢再拜稽首奉揚天子之丕顯休命

稽首首至地丕大也休美也 受策以出

魯僖公襄王二十六年公即位天王使毛伯來錫公

命

毛伯伯爵諸侯為王卿士者 成公八年秋簡公三年也天子使召伯來錫王命

即位天子賜以命圭與之命瑞八年乃來綏也天子天王王者之通稱

齊靈公靈王十三年王使劉定公賜齊侯命

將昏於齊故也 定公劉夏位賤以能而使之傳稱論其終曰昔伯舅太公右我先王股肱

周室師保萬民世胙太師以表東海胙報也表顯也報大師謂顯封東海以王室之不壞繫是賴繫發聲今余命汝環環齊靈公

茲率舅氏之典纂乃祖考無忝乃舊敬之哉無廢

朕命纂經也因昏而加褒顯也

越王句踐已平吳乃以兵北渡淮與齊晉諸侯會於

徐州致貢於周元王使人賜句踐胙命為伯

秦孝公十九年顯王二十六年也天子致胙諸侯畢

質

奉先

夫祀者國之大事孝者人之本與邦君敦行史冊垂

美譬諸善政尤為盛烈奉先之誠不置昭享之義有

叙惟馨之薦豐而且潔非有諂也致美之服章而有

量不圖奢也然後能保其社稷和其民人蓋諸侯之

孝也

魯隱公五年九月考仲子之宮初獻六羽成仲子之宮安其主

而祭之惠公以仲子手文而娶之欲以為夫人諸侯無二嫡蓋隱公成父之志為別立宮也公問羽數故

書羽婦人無謚初仲子宮成將萬焉萬舞也公問羽數

因姓以名官

於衆仲問執羽對曰天子用八八八六諸侯用六六六

三十大夫四四四士二二二四四人人夫舞所以節

八音而行八風八音金石絲竹匏土革木也八風八方之風也

手之舞之足之蹈之節其制而叙其情故自八以下唯天子得盡物數

則不致公從之於是初獻六羽始用六佾也魯唯文

廟得用八而他公遂因借而用之今隱公特因此

桓公八年五月丁丑蒸

十四年八月壬申御廩災御廩藏公所親耕以奉

亥嘗既戒日致齋御廩雖災苟不害

僖公八年七月禘于太廟用致夫人禘三年大祭祭

廟致者致新主于廟而列之昭穆夫人姜氏公能復

周公之字字居故魯頌閟宮有血實實枚枚闕閉也

疎之廟孟仲子曰是禘官也血清淨也實實廣大也

周公之孫莊公之子龍旂承祀六轡耳耳春秋匪懈

享祀不忒周公之孫莊公之子謂僖公也耳耳然至

六轡春秋猶二十四年二月晉公子文復入于晉丁未朝于武宮

文公之祖文公二年二月丁丑作僖公主主者段人

以栗三年喪終則遷入於廟傳

宣公八年六月辛巳有事于大廟公子遂卒於垂齊地

名壬午猶繹萬入去籥繹明日又祭萬舞各籥管也

喪不宜作樂而不成公三年二月甲子新宮災三日哭宣公新神主入

廟故謂之新宮



冊府元龜 卷之三百三十六

書三月災華得禮宗廟親之神靈所憑居而遇災故哀而哭之

襄公元年晉悼公立正月辛巳朝武宮 武宮曲沃昭命居

十五年晉平公即位烝于曲沃 悼公既葬平公改服曲沃晉祖廟烝冬祭

也諸侯二月而葬作主然後烝嘗于廟今晉踰月葬作主而烝嘗祭言晉將有盟會故速葬

昭公二年十二月晉烝 烝冬祭也

十五年二月癸酉禘于武宮 魯武公廟成公立六年復立之 叔弓泄

事籥入而卒去樂卒事禮也 大臣卒故為之去樂

定公八年冬從祀先公 從順也先公閔公僖公將正二公之位次所順非一親盡

故通言先公

冊府元龜

冊府元龜

淮南李鼎真泰閱

西極文翔鳳訂正

豫章國琦較釋

列國君部 二

嗣襲

昔三五之際封建列國而年祀茫昧墳典殘缺故其世系嗣襲不可得而詳也降及姬周史官謹職諸侯晉楚皆有記籍故孔子約魯史而脩春秋丘明為之傳司馬遷又祖述其事列之以世家故其苗裔之嗣

冊府元龜

列國君部

卷之三百三十六

續子弟之繼及皆可得而徵矣至於以德以長之制  
年鈞義鈞之說或越次而承世嫡或自外而紹大宗  
或勸讓以興邦或承亂而續緒自吳太伯而下以訖  
於六國咸有條而不紊云

吳太伯

武王追封為吳伯故曰吳太伯

太伯弟仲雍周太王之子而

王季歷之兄也季歷賢而有聖子昌太王欲立季歷  
以及昌於是太伯仲雍二人乃犇荆蠻文身斷髮示  
不可用嘗在水中故斷其髮文其身以象龍子故不見傷害以避季歷季歷果

立是為王季而昌為文王太伯之犇于荆蠻自號勾

吳

勾吳太伯始所居也

荆蠻義之從而歸之千餘家立為吳太

伯太伯卒無子弟仲雍立是為吳仲雍仲雍卒子季

簡立季簡卒子叔達立叔達卒子周章立是時周武

王克殷求太伯仲雍之後得周章周章已君吳因而

封之乃封周章弟虞仲於周之北故夏虛

在河東太陽縣是

為虞仲列為諸侯周章卒子熊遂立熊遂卒子柯相

立柯相卒子強鳩夷立強鳩夷卒子餘橋疑吾立餘

橋疑吾卒子柯盧立柯盧卒子周繇立周繇卒子屈

羽立屈羽卒子夷吾立夷吾卒子禽處立禽處卒子

轉立轉卒子頗高立頗高卒子句卑立是時晉獻公

滅北虞公句卑卒子去齊立去齊卒子壽夢立而吳

始益大稱王自太伯作吳五世而武王克殷封其後  
為二其一虞在中國其一吳在夷蠻十五世而晉滅  
中國之虞中國之虞滅二世而夷蠻之吳興大凡從  
太伯至壽夢十九世壽夢二十五年卒壽夢有四子  
長曰諸樊次曰餘祭次曰餘昧次曰季札壽夢知季  
札賢欲立之季札讓於是乃立長子諸樊攝行事當  
國諸樊立十三年卒有命授弟餘祭欲以此傳季札  
餘祭立十七年卒弟餘昧立餘昧立四年卒欲授弟  
季札季札逃去吳人乃立餘昧子僚為王諸樊之子  
公子光嘗以為吾兄弟四人當傳至季子季子則

不受國光當立陰納賢士欲以襲王僚十三年光弑  
僚自立為王是為闔閭十九年與越戰傷而死子夫  
差立二十三年越敗吳夫差自剄死吳遂滅

齊太公望呂尚者東海上人呂氏春秋曰東夷之士其先祖嘗

為四嶽佐禹平水土甚有功虞夏之際封於呂呂在南陽

死縣或封於申姓姜氏夏商之時申呂或封枝庶子

孫或為庶人尚其後苗裔也本姓姜氏從其封姓故

曰呂尚佐武王伐紂謀居多武王天下封於齊尚

卒子丁公伋伋作及立丁公卒子乙公得立乙公卒子

癸公慈母立癸公卒子哀公不辰立哀公紀侯譖之

周周烹哀公立其弟靜是為胡公當周夷王之時哀  
公同母少弟山襲殺胡公而自立是為獻公獻公立  
九年卒子武公壽立武公立二十六年卒子厲公無  
忌立九年厲公暴虐故胡公子復入齊攻殺厲公胡  
公子亦戰死齊人立厲公子赤是為文公文公十二  
年卒子成公脫立成公九年卒子莊公購立莊公六  
十四年卒子釐公祿甫立釐公三十三年卒子襄公  
諸兒立襄公十二年釐公弟子公孫無知弑襄公而  
自立雍林人襲殺無知襄公次弟小白自莒入高侯  
立之是為桓公桓公立四十二年卒桓公子一餘人

長衛姬生無詭少衛姬生惠公元鄭姬生孝公昭葛  
嬴生昭公潘密姬生懿公商人宋華子生公子雍桓  
公與管仲屬孝公於宋襄公以為太子桓公卒易牙  
與監刁立公子無詭無詭立三月宋襄公率諸侯兵  
伐齊立公子昭是為孝公孝公六年卒孝公弟潘殺  
孝公子而立是為昭公十九年卒子舍立昭公之弟  
商人殺舍而自立是為懿公四年齊人殺懿公迎公  
子元於衛立之是為惠公惠公十年卒子頃公無野  
立頃公十七年卒子靈公環立靈公娶于魯曰顏懿  
姬無子其姪釀聲姬生光以為太子

兄子曰姪顏釀  
皆二姬母姓因

以為號懿 諸子仲子戎子戎子嬖 諸子者姪者子 二子皆宋女 仲

子生牙屬諸戎子 屬託 戎子請以為太子許之 齊侯

仲子曰不可廢嘗不祥 廢立嫡 之嘗 間諸侯難 事難 成也 光之

立也列於諸侯矣 列諸侯 之會 今無故而廢之是專黜諸

侯 謂光已有 諸侯之尊 而以始犯不祥也君必悔之公曰在我

而已遂東太子光 徙之東 睡也 使高厚傅牙以為太子夙

沙衛為少傅二十八年靈公疾崔杼迎公子光而立

之是為莊公莊公六年崔杼弑莊公而立莊公異母

弟杼白是為景公五十八年夏景公夫人莊姬適子

死景公寵妾芮姬生子荼荼少母賤無行諸大夫恐

其為嗣乃言擇諸子長者賢者為太子景公老惡言

嗣事又愛荼母欲立之憚發之口乃謂諸大夫曰為

樂耳國何患無君乎秋景公病命國惠子高昭子立

少子荼為太子逐諸子遷萊 萊齊東 鄙邑 景公卒太子荼

立是為晏孺子景公子陽生奔魯晏孺子元年八月

田乞召公子陽生於魯而立之是為悼公悼公四年

鮑牧弑悼公齊人共立悼公子壬是為簡公 一云二 公子壬

景公之 子也 簡公四年田嘗弑簡公立簡公之弟聲是為

平公平公二十五年卒子宣公積立宣公五十一年

卒子康公貸立康公十九年田嘗曾孫田和始為諸

侯遷康公海濱二十六年康公卒呂氏遂絕其祀

魯周公旦者周武王弟也以太王所居周地為其采邑故為周公自文

王在時旦為子孝篤仁異於群子及武王即位旦掌

輔翼武王用事甚多武王九年東伐至盟津周公輔

行十一年伐紂至牧野周公佐武王作牧誓破殷人

商宮已伐紂武王徧封功臣同姓戚者封周公旦於

少昊之虛曲阜是為魯公周公不就封留佐武王子

伯禽受封之魯是為魯公伯禽卒子考公酋立考公

四年卒立弟熙是為煬公煬公六年卒子幽公宰立

幽公十四年幽公弟濇殺幽公而自立是為魏公世本

作徵魏公五十年太子厲公擢立厲公三十七年卒

魯人立其弟具是為獻公獻公三十二年卒子貞公

濇立貞公三十年卒弟傲立是為武公武公九年春

魯公與長子括少子戲西朝周宣王宣王愛戲欲立

戲為魯太子周之樊仲山父諫宣王曰廢長立少不

順不順必犯王命犯王命必誅故出令不可不順也

令之不行政之不立令不行則政不立行而不順民將棄上

使長事少故民將棄上夫下事上少事長所以為順今天子建

諸侯立其少是教民逆也言不教之順而教之逆若魯從之諸

侯效之王命將有所壅言先王立長之命將壅塞不行也若弗從而

誅之是自誅王命也

先王之命立長今魯亦立長若誅之是自誅王命

誅之

亦失不誅亦失

誅之誅已命不誅則王命廢

王其圖之宣王弗聽

卒立戲為魯太子夏魯公歸而戲卒立是為懿公懿

公九年括之子伯御與魯人殺懿公而立伯御為君

伯御立十一年周宣王伐魯殺伯御而問魯公子能

道順

一作訓

諸侯者以為魯後樊穆仲曰

穆仲仲山父之謚也魯

懿公弟稱肅恭明神敬事耆老賦事行刑必問於遺

訓而咨於國實

國一作固

不干所問宣王曰然能訓治其

民矣乃立稱於夷宮

夷宮者宣王祖夷王之廟古者爵命必於祖廟

是為孝

公孝公二十七年卒子弗湟

弗一云弗生

立是為惠公惠公

四十六年卒惠公元妃孟子卒繼室以聲子生子息

宋武公生仲子仲子生而有文在其手曰為魯夫人

故仲子歸於我生子允而惠公薨是以息攝當國行

君事是為隱公隱公十一年公子揮殺隱公而立公

弟允是為桓公桓公十八年公如齊齊襄公饗公公

醉使公子彭生摺其脅公死于車立太子同是為莊

公莊公立二十二年卒子班立莊公弟慶父使人殺

班立莊公子開是為湣公湣公二年慶父使卜齮襲

殺湣公莊公弟季友奉莊公子申立之是為釐公釐

公立三十三年卒子興立是為文公文公十八年卒

文公有二妃齊女哀姜生子惡及視次妃敬嬴嬖愛生子倭一作綏文公卒公子遂殺子惡及視而立倭是

為宣公十八年卒子成公黑肱立十八年卒子襄公

午立襄公年三歲而立三十一年襄公卒其九月太

子毀卒魯人立齊歸之子稠一名裾是為昭公昭公年

十九猶有童心穆叔不欲曰稠非適嗣且又居喪不

戚而有喜色若果立必為季氏憂季武子弗聽卒立

之二十五年九月昭公伐季氏弗勝奔於齊齊伐魯

取鄆而居昭公二十八年晉止昭公於乾侯魯人立

其弟宋是為定公十五年卒子蔣立是為哀公二十

七年哀公患三桓欲因諸侯以劫之公如隱氏三桓

攻公公奔于衛去如鄒遂如越國人迎哀公復國卒

於有山氏子悼公寧立魯如小侯卑於三桓之家二

十七年悼公卒子元公嘉立二十一年卒子穆公顯

立三十三年卒子共公奮立二十二年卒子康公屯

立九年卒子景公匱立二十九年卒子平公叔立是

時六國皆稱王二十二年平公卒子文公賈立二十

三年卒子傾公讐立二十四年楚考烈王伐滅魯傾

公亡遷於汴邑一作下為家人魯絕祀傾公卒于柯魯

起周公至傾公凡三十四世



燕召公奭與周同姓姬氏

周之支子食邑於召謂之召公

周武王滅

紂封於北燕

有南燕故云北燕

自召公以下九世至惠侯惠

侯卒子釐侯立三十六年釐侯卒子頃侯立頃侯二

十四年卒子哀侯立哀侯二年卒子鄭侯立鄭侯三

十六年卒子繆侯立繆侯十八年卒子宣侯立宣侯

十三年卒子桓侯立

古史考曰世家自宣侯以下不說其屬以其難明故也

桓

侯七年卒子莊公立莊公三十三年卒子襄公立襄

公四十年卒桓公立桓公十六年卒宣公立宣公十

五年卒昭公立昭公十三年卒武公立武公十九年

卒文公立文公六年卒懿公立懿公四年卒子惠公

立六年惠公多寵姬欲去諸大夫而立寵姬宋大夫

共誅姬宋惠公懼奔齊四年齊高偃如晉請共伐燕

入其君晉平公許與齊伐燕入惠公

年表公欲殺辛臣公卿誅辛臣

公恐出奔齊惠公至燕而死

左氏云燕人多嬖寵欲去諸大夫而立其寵人燕大夫比

以殺公之外嬖公懼奔齊燕人立悼公悼公七年卒共公立共公

五年卒平公立平公十九年卒簡公立簡公十二年

卒獻公立獻公二十八年卒孝公立孝公十五年卒

成公立成公十六年卒湣公立湣公三十一年卒釐

公立釐公三十年卒桓公立桓公十一年卒文公立

文公二十九年卒太子立是為易王易王立十二年

卒子燕噲立噲立五年以國讓其臣子之三年國大  
 亂將軍市被與太子平謀攻子之不克市被死因構  
 難數月死者數萬衆齊王令章子將兵伐燕燕君噲  
 死子之亡二年燕人共立太子平是為燕昭王昭王  
 三十三年卒子惠王立惠王七年卒武成王立武成  
 王十四年卒子孝王立孝王三年卒子令王喜立二  
 十三年太子丹質於秦亡歸燕二十五年秦滅韓王  
 二十七年秦虜趙王遷滅趙燕見秦且滅六國秦兵  
 臨易水禍且至燕太子丹陰養壯士二十人使荆軻  
 獻督亢地圖於秦因襲刺秦王秦王覺殺軻使將軍

王翦擊燕二十九年秦拔我薊燕王亡徙居遼東斬  
 丹以獻秦三十三年秦拔遼東虜燕王喜卒滅燕

蔡叔度者周文王子而武王同母弟也武王已克殷

紂封叔度於蔡

世本曰居上蔡

後成王少周公旦專王室管

叔蔡叔挾紂子武庚作亂周公誅武庚而放蔡叔遷  
 之蔡叔既遷而死其子曰胡胡乃改行率德馴善周  
 公聞之而舉胡以為魯卿士魯國治於是周公言於  
 成王復封胡於蔡以奉蔡叔之祀是為蔡仲蔡仲卒  
 子蔡伯荒立荒卒子宮侯立宮侯卒子厲侯立厲侯  
 卒子武侯立武侯卒子夷侯立夷侯二十八年卒子

釐侯所事立四十八年卒子其侯興立二年卒子戴侯立十年卒子宣侯措父立三十五年卒子桓侯封人立二十年卒弟哀侯獻舞立哀侯十一年楚文王擊蔡虜哀侯留九歲死於楚凡立二十年卒蔡人立其子肺是為繆侯二十九年卒子莊侯甲午立三十四年卒子文侯申立二十八年卒子景侯同立二十九年太子般殺景侯而自立是為靈侯靈侯十二年楚靈王誘蔡靈侯於申伏甲飲之醉而殺之令公子棄疾滅蔡二歲楚公子棄疾立為楚平王乃求蔡景侯少子盧立之是為平侯平侯九年卒靈侯般之孫

乘國攻平侯子而自立是為悼侯悼侯三年卒弟昭侯申立二十六年吳遷蔡于州來二十八年昭侯將朝於吳大夫恐其復遷乃令賊殺昭侯而立昭侯子朔是為成侯十九年成侯卒子聲侯產立聲侯十五年卒子元侯立元侯六年卒子侯齊立侯齊四年楚惠王滅蔡侯齊卒蔡遂絕祀

曹叔振鐸者周武王弟也武王克殷紂封叔振鐸於曹叔振鐸卒子太伯脾立太伯卒子仲君平立仲君平卒子宮伯侯立宮伯侯卒子孝伯雲立雲卒子夷伯喜立夷伯三十年卒弟幽伯強立幽伯九年弟蘇

殺幽伯代立是為戴伯戴伯三十年卒子惠伯兜立  
 三十六年卒子石甫立其弟武攻之代立是為繆公  
 繆公三年卒子桓公終生立一作終涅 涅音生五十五年卒  
 子莊公夕姑立三十一年卒子釐公夷立九年卒子  
 昭公班立九年卒子共公襄立三十五年卒子文公  
 壽立文公二十三年卒子宣公疆立宣公十七年卒  
 弟成公負芻立二十三年卒子武公勝立二十七年  
 卒子平公頃立平公四年卒子悼公午立九年悼公  
 朝於宋宋囚之曹立其弟野是為聲公悼公死於宋  
 歸葬聲公五年平公弟通弑聲公代立是為隱公隱

公四年聲公弟露弑隱公代立是為靖公靖公四年  
 卒子伯陽立十五年宋滅曹執曹伯陽以歸曹遂絕  
 祀

陳胡公滿者虞帝舜之後也昔舜為庶人時堯妻之  
 以二女居于媯汭其後因為氏姓媯氏舜傳禹天  
 下而舜子商均為封國夏后時或失或續至於周武  
 王克殷紂復求舜後乃得媯滿封之於陳以奉帝舜  
 祀是為胡公胡公卒子申公犀侯立申公卒弟相公  
 臯羊立相公卒立申公子突是為孝公孝公卒子慎  
 公圉戎立慎公卒子幽公寧立三十三年卒子釐公

孝立釐公三十六年卒子武公靈立十五年卒子夷公說立三年卒弟平公燮立二十三年卒子文公圉立文公元年取蔡女生子佗十年文公卒長子桓公鮑立三十八年桓公卒桓公弟佗其母蔡女故蔡人爲佗殺五父及桓公太子免而立佗是爲厲公厲公二年生子敬仲完厲公取蔡女蔡女與蔡人亂厲公數如蔡淄七年厲公所殺桓公太子免之三弟長曰躍中曰林少曰杵臼共令蔡人誘厲公以好女與蔡人共殺厲公而立躍是爲利公立五月卒立中弟林是爲莊公七年卒少弟杵臼立是爲宣公二十

一年宣公後有驍姬生子敖欲立之乃殺其太子禦寇禦寇素愛厲公子完完乃奔齊四十五年宣公卒子敖立是爲穆公十六年卒子共公朔立十八年卒子靈公平國立十四年靈公與其大夫孔寧儀行父皆通於夏姬十五年靈公與二子飲於夏氏公戲二子曰徵舒似汝二子曰亦似公徵舒怒靈公罷酒出徵舒伏弩廐門射殺靈公孔寧儀行父皆奔楚靈公太子午奔晉徵舒自立爲陳侯楚莊王爲夏徵舒殺靈公率諸侯伐陳謂陳曰無驚吾誅徵舒而已已誅徵舒因縣陳而有之群臣畢賀申叔時使於齊來還

獨不賀莊王問其故對曰語有之牽牛蹊人田田主  
 奪之牛蹊則有罪矣奪之牛不亦甚乎今王以徵舒  
 為賊殺君故徵兵諸侯以義伐之已而取之以利其  
 地則後何以令於天下是以不賀莊王曰善乃迎陳  
 靈公太子午於晉而立之復君陳如故是為成公成  
 公卒子哀公弱立初哀公娶鄭長姬生悼太子師少  
 姬生偃二嬖妾長妾生留少妾生勝留有寵哀公屬  
 之弟司徒招三十四年哀公病三月招殺悼太子立  
 留為太子哀公怒欲誅招招發兵圍守哀公哀公自  
 經殺徐廣曰三十五年也招卒立留為陳君四月陳使使赴楚

楚靈王聞陳亂乃殺陳使者使公子棄疾發兵伐陳  
 陳君留奔鄭九月楚圍陳十一月滅陳使棄疾為陳  
 公招之殺悼太子也太子之子名吳出奔晉晉平公  
 問太史趙曰陳遂亡乎對曰陳顓頊之族陳氏得政  
 於齊乃卒亡自幕至于瞽聵無違命舜重之以明德  
 至於遂世守之及胡公周賜之姓使祀虞帝且盛德  
 之後必百世祀虞之世末也其在齊乎楚靈王滅陳  
 五歲楚公子棄疾弑靈王代立是為平王平王初立  
 欲得和諸侯乃求故陳悼太子師之子吳立為陳侯  
 是為惠公惠公立探續哀公卒時年而為元空籍五

年矣三十八年惠公卒子懷公栢立懷公元年吳破楚在郢召陳侯陳侯欲往大夫曰吳新得意楚王雖亡與陳有所不可背懷公乃以疾謝吳四年吳復召懷公懷公如吳怒其前不往留之因卒吳陳乃立懷公之子越是為潛公二十四年楚惠王以兵北伐殺陳潛公遂滅陳而有之

杞東樓公者夏后禹之後苗裔也殷時或封或絕周武王克殷紂求禹之後得東樓公封之於杞杞今陳留雍丘縣以奉夏后氏祀東樓生西樓公西樓公生題公題公生謀娶公謀一作謀謀娶公生武公武公立四十七年

卒子靖公立二十三年卒子共公立八年卒子德公

立世本日德公十八年卒弟桓公姑容立世本日惠公立十八

年生成公及桓公成公立十八年桓公立十七年桓公十七年卒子孝公句

立十七年卒弟文公益姑立十四年卒弟平公鬱立

十八年卒子悼公成立十二年卒子隱公乞立七月

隱公弟遂弑隱公自立是為釐公十九年卒子潛公

維立十六年潛公弟閔路弑潛公代立是為哀公哀

公十年卒潛公子刺立刺作邀是為出公十二年卒子

簡公春立一年楚惠王滅杞

衛康叔名封周武王同母少弟也武王已克殷復以

殷餘民封紂子武庚祿父周公旦代成王治當國管叔蔡叔與武庚祿父作亂欲攻成周周公旦以成王命與師伐殷殺武庚祿父以殷餘民封康叔為衛君居河淇間故商墟康叔卒子康伯代立康伯卒子考伯立考伯卒子嗣伯立嗣伯卒子廕伯立廕伯卒子靖伯立靖伯卒子貞伯立貞伯卒子頃侯立頃侯厚賂周夷王王命衛為侯頃侯十二年卒子釐侯立四十二年卒太子共伯餘立為君共伯弟和有寵於釐侯多予之賂和以其賂賂王以襲攻共伯於墓上共伯入釐侯墓自殺衛人因葬之釐侯旁謚曰共伯而

立和為衛侯是為武公武公即位修康叔之政百姓和集四十二年大戎殺周幽王武公將兵往佐周平戎甚有功周平王命武公為公五十五年卒子莊公揚立五年娶齊女為夫人好而無子又取陳女為夫人有子蚤死陳女娣亦幸於莊公而生子完完母死莊公令夫人齊女子之立為太子莊公有寵妾生子州吁二十三年莊公卒太子完立是為桓公十六年弟州吁收聚衛亡人以襲殺桓公州吁自立為衛君石碯衛上卿與陳侯共謀使右宰醜進食因殺州吁于濮而迎桓公弟晉於邢而立之是為宣公宣公夫人



夷姜生子伋以爲太子而令右公子傅之右公子爲太子取齊女未入室而宣公見所欲爲太子婦者好說而自取之更爲太子娶佗女宣公得齊女生子壽子朔令右公子傅之太子伋母死齊女與朔共讒惡太子宣公自以其奪太子妻也心惡太子欲廢之及聞其惡大怒乃使太子伋於齊而令盜遮界上殺之與太子白旄而告界盜見持白旄者殺之且行子朔之兄壽太子異母弟也知朔之惡太子而君欲殺之乃謂太子曰界盜見太子白旄卽殺太子可母行太子曰逆父命不可遂行壽見太子不止乃盜其白旄

而先馳至界盜見其驗卽殺之壽已死而太子伋又至門所當殺乃我也盜并殺之宣公乃以子朔爲太子十九年宣公卒太子朔立是爲惠公左右公子不平朔之立也惠公四年左右公子作亂攻惠公立太子伋之弟黔牟爲君惠公犇齊衛君黔牟立八年齊哀公卒諸侯奉王命共伐衛納惠公立三年出亡十年復入與前通惠公凡十三矣三十三年卒子懿公赤立九年翟伐衛殺懿公懿公之立也百姓大臣皆不服自懿公父惠公朔之讒殺太子伋代立至於懿公嘗欲敗之卒滅惠公之後而更立黔牟之弟昭伯

頑之子申為君是為戴公元年卒齊桓公立戴公弟  
 燬為衛君是為文公二十五年卒子成公鄭立三十  
 五年成公卒子穆公邀立十一年卒其子定公臧立  
 定公十二年卒定公有疾使孔成子甯惠子立敬姒  
 之子衍以為太子成子孔達之孫敬姒定公妾衍獻公是為獻公獻公  
 立十八年孫林父文子攻出獻公奔齊孫文子甯殖  
惠子共立定公弟秋為衛君是為殤公一云獻公弟焱殤公  
 立甯喜與孫林父爭寵相惡殤公使甯喜攻孫林父  
 林父奔晉復求入故衛獻公齊景公聞之與衛獻公  
 如晉求入晉為伐衛誘與盟衛殤公會平公平公執

殤公與甯喜復入衛獻公亡在外十二年而復  
 入三年卒子襄公惡立九年卒子靈公元立初襄公  
 夫人姜氏無子姜氏宣姜嬖人媯始生孟縶孔成子夢康  
 叔謂已立元成子衛卿孔蒸鈕也元孟縶弟夢時元未生余使羈之孫圉  
 與史苟相之羈蒸鈕子苟史朝子史朝亦夢康叔謂已余將命  
 而子苟與孔蒸鈕之曾孫圉相元史朝見成子告之  
 夢夢協協合也晉韓宣子為政聘于諸侯之歲昭二年媯  
 始生子以周易筮之曰元尚享衛圉王其社稷今縶辭著  
 遇屯震下坎上屯又曰余尚立縶尚克嘉之嘉善也遇屯  
 之比坤下坎上比屯初九爻比變以示史朝史朝曰元亨又何

疑焉

周易曰屯元亨

成子曰非長之謂乎

言屯之元亨謂年長非謂名元對

曰康叔名之可謂長矣

善之長也

孟非人也將不列於宗

不可謂長

足跛非全人不可列為宗主

且其繇曰利建侯

繇卦辭

吉何建建非嗣也

嗣子有嘗位故無所卜無所建今以位不定卜嗣得吉利當從吉而建之

也 二卦皆云

謂兩得屯卦皆

子其建之康叔命之

二卦告之筮襲於夢武王所用也弗從何為

外傳云太誓曰

朕夢協朕卜襲於休祥戎商必克此武王辭

弱足者居

跛則偏弱居其家不能行 侯王

社稷臨祭祀奉人民事鬼神從會朝又焉得居各以

所利不亦可乎

孟跛利居元吉利建

故孔成子立靈公

一云襄公有賤

妾幸之有身夢有人謂曰我康叔也今若子必有衛名而子曰元妾怪之問孔成子成子曰康叔衛祖也

及生子男也以告襄公襄公曰天所置也名之曰元夫人無子於是立元為嗣 靈公三十九

年太子蒯瞶與靈公夫人南子有惡太子犇宋四十

二年靈公卒衛乃以蒯瞶之子輒為君是為出公初

孔圉取太子蒯瞶之姊生悝出公十二年悝母使孔

氏之豎渾良夫使於太子良夫與太子入舍孔氏之

外圃遂入適伯姬氏出公輒犇魯孔悝立太子蒯瞶

是為莊公莊公三年晉趙簡子圍衛莊公出犇衛人

立子班師為衛君

左傳云班師襄公之孫

齊伐衛虜班師更立

公子起為衛君

起靈公子

起元年衛石曼專逐其君起起

奔齊衛出公輒自齊復歸立初出公立十二年亡在

外四年復入二十一年卒出公季父黔攻出公子而自立是為悼公悼公五年卒子敬公弗一云敬公費立敬

公十九年卒子昭公糾立昭公六年公子亶弑之代

立是為懷公懷公十一年公子頹弑懷公而代立是

為慎公慎公父公子適適父敬公也慎公四十二年

卒子聲公訓立聲公十一年卒子成侯速立十六年

衛貶號曰侯二十九年成侯卒子平侯立平侯八年

卒子嗣君立更貶號曰君四十二年卒子懷君立懷

君三十一年朝魏魏因殺懷君更立嗣君弟是為元

君一云元君二十五年元君卒子君角立九年秦并

懷君之弟

天下始皇帝二十一年二世廢君角為庶人衛絕祀

宋微子開者微畿內國名子爵也為紂卿士殷帝乙之首子而紂之

庶兄也紂既立不明微子度紂終不可諫乃去武王

伐紂微子持其祭器造於軍門武王乃釋微子復位

如故成王少武庚作亂周公既承王命誅武庚乃命

微子開代殷後奉其先祀開卒立其弟衍是為微仲

微子舍其孫肅而立衍鄭玄曰微子適子死立弟殷道也微仲卒子宋公穆立穆

卒子丁公申立申卒子湣公共立共卒弟煬公熙立

煬公即位湣公子鮒祀鮒一作魴弑煬公而自立曰我當

立是為厲公厲公卒子釐公舉立二十八年卒子惠

公隲立三十年卒子哀公立哀公元年卒子戴公立  
三十四年卒子武司空立十八年卒子宣公力立  
宣公有太子與夷十九年宣公病讓其弟和曰父死  
子繼兄死弟及天下通義也我其立和和亦三讓而  
受之宣公卒弟和立是為穆公九年病召大司馬孔  
父而屬殤公曰先君舍與夷而立寡人先君穆公兄  
宣公與夷宣  
公子即所  
屬殤公寡人弗敢忘若以大夫之靈得保首領以  
沒先君若問與夷其將何辭以對請子奉之以王社  
稷寡人雖死亦無悔然對曰群臣願奉馮也馮穆公  
子莊公  
也公曰不可先君以寡人為賢使主社稷若棄德不

讓是廢先君之舉也豈曰能賢言不讓則  
不足稱賢光昭先君

之令德可不務乎吾子其無廢先君之功先君以舉  
賢為功我

君不賢  
是廢之使公子馮出居於鄭辟殤  
公也穆公卒殤公即位

君子曰宋宣公可謂知人矣立宣公其子饗之命以

義夫殤之十年太宰華督殺殤公而迎公子馮於鄭

而立之是為莊公十九年卒子湣公捷立十一年南

宮萬殺湣公于蒙澤更立公子游為君宋之諸公子

共擊殺南宮牟弒宋新君游而立湣公弟禦說是為

桓公宋人醢南宮萬三十一年桓公卒太子茲甫立

是為襄公十三年與楚成王戰于泓大敗傷股十四

年病傷於泓而竟卒子成公壬臣立十七年卒成公弟欒殺太子而自立為君宋人共殺君欒而立成公少子杵臼是為昭公九年昭公無道國人不附昭公出獵襄公夫人王姬使衛伯攻殺昭公杵臼弟鮑革革字無立是為文公二十二年卒子共公瑕立十三年卒司馬唐山攻殺太子肥右師誅唐山乃立共公少子成是為平公四十四年平公卒子元公佐立公佐立十五年魯昭公避季氏居外為之求入魯行道卒子景公頭曼立六十四年卒宋公子特攻殺太子而自立是為昭公昭公者元公之曾庶孫也昭父公孫

糾糾父公子禘

音瑞

秦禘秦即元公少子也景公殺昭

公父糾故昭公怨殺太子而自立昭公四十七年卒

子悼公購繇立

一云四十九年

八年卒子休公田立二十三

年卒子辟公辟兵立

一云辟公兵

三年卒子剔成立剔成

四十一年剔成弟偃攻襲剔成剔成敗犇齊偃自立為宋若十一年自立為王四十七年齊湣王與魏楚伐宋殺王偃遂滅宋而三分其地

